

# *ELIYA NDI NSEMBE YA UFA*

¶ Oh, kodi izo si zoona! “Ambuye, ine ndikulandira.” Kulandira chiyani? Lonjezo lirilonse limene Iye anapanga, ndi langa.

2 Tsopano, ife tisanakhale pansi, tiyen'i tiweramitse mitu yathu mphindi yokha kuchitira kuti ine ndisaiwale kupempherera mipango iyi pano.

3 Ambuye wathu, ife tiri othokoza kwa Inu usikuuno chifukwa cha nyimbo za ku Ziyoni, chifukwa cha Uthenga wakachitidwe-kachikale umene umayeretsa mitima yathu kwa zoipa, ndipo, pakuti, malonjezo achisomo kwambiri mu Baibulo ndi athu. Mwa chikhulupiro ife tikuwalandira iwo. Ndipo ife tikudziwa kuti Mulungu samalemekeza munthu. Ndipo mu kam'badwo kamene Paulo ankakhalamo, anthu... ambiri anali akudwala. Iwo anabweretsa kwa iye mipango, ndi zovala, kuti jye akavale izo pathupi lake, ndipo kenako nkutengedwa kuchokera pa thupi lake kupita kwa odwala ndi osautsika. Ndipo Malemba amatiuza ife kuti mizimu yonyansa inatuluka mwa anthu ndipo zosautsika zinawachokera iwo chifukwa cha chikhulupiro ife chawo mwa Ambuye Yesu. Mulungu, Paulo wakhala atapita kwa pafupifupi zaka thu sauza ndipo Kukhalapo Kwanu. Kam'badwo kameneko kanadutsa limodzi ndi iye, koma Inu ndinu Mulungu wa kam'badwo kalikonse. Tsopano anthu, usikuuno, akhulupirira pa Inu ndipo ife tikupereka kwa Inu, usikuuno, mipango iyi ndi timaphukusi tating'ono ta zovala, ndipo tikukhulupirira ndi mtima wathu wonse kuti Inu muyankha pemphero lathu ndipo iwo akachiritsidwa. Perekani izi, Ambuye. Ife tikutumiza izo kwa iwo kwa ulemerero wa Mulungu, mu Dzina la Yesu, Mwana Wake. Ameni.

4 Inu mukhoza kukhala pansi. Ndipo iwo amene anayika izi akhoza kubwera kudzazitenga izo mwamsanga tikangotseka msonkhanowu.

5 Ndine wokondwa kwambiri usikuuno. Ine ndakhala ndiri kutsidya kwa phiri uko lero mwamsanga pamene ine ndinatsiriza zoyankhulana zapadera zomwe ine ndimayenera kukhala nazo, ndipo ndinapita uko kuti ndikapemphere. Ndipo nthawi iliyonse ine ndikalowa mu dzuwa la mchipululu ili zimandipangitsa ine kufuna kubwereranso mochuluka. Koma chinthu chimodzi chimene ine ndiri wokondwa nacho usikuuno, mkazi wanga...mochuluka monga ife takhala tiri limodzi, ndipo iye wawawona masomphenya aakulu a Mulungu akuwonetedwa ndi kukwaniritsidwa. Iye anali nawo ku mtsinje kuja tsiku lijali ku Jeffersonville pamene Mngelo wa Ambuye anapanga kuwonekera Kwake koyamba,

izo zinalembewa mu Associated Press kudutsa fuko lonse. Zakhala ziri... inali 1933. Iye anali atayima pameneopo, koma iye anamva Liwu koma sanakuwone Kuwalako. Pamene, ngakhale ojambula a nyuzipepala anakuwona Kuwalako. Koma iye anali wamng'ono ndithu nthawi imeneyo, ndipo pafupifupi usinkhu wa zaka thwelofu, ndipo iye sanakuwone konse Kuwalako. Iye anali akuwayang'ana anthu, ambiri anali akukomoka. Ndipo uko kunangokhala pameneopo pafupifupi miniti imodzi yokha ndipo kenako kunabwerera molunjika kupita mu mlengalenga kachiwiri. Ndipo manyuzipepala analemba nkhani yabwino, "Kuwala kwachinsinsi kuwonekera pa—pa mlaliki wamba wachi Baptisti pamene anali kubatiza." Inapita njira yonse mpaka ku Canada, inakafika pa osindikiza aku Canada.

<sup>6</sup> Ndiyeno pafupifupi zaka zitatu kapena foro zapitazo, pamene ine ndinali mu Phoenix kotsiriza, ine ndikukhulupirira anali M'bale Jack Moore anali ndi ine, yemwe anakhala ngati... Mkazi wanga ndi wamanyazi kwambiri. Ndipo chotero iye anamuitanira iye pa nsanja, mosayembekezerekwa, ndipo iye anakhala ngati kuti akomoke. Ndipo iye anabwera ine nditafika kale pa nsanja, ndipo kudzoza kunali kuli pameneopo kwa msonkhano wa machiritso. Ndipo, iye anati, nthawi yoyamba imene iye anayamba wakhalapo mu Kukhalapo uko monga choncho. Ndipo, usiku wa dzana wake, iye anamuwona Iye pa nsanja, kwa nthawi yoyamba imene iye anayamba wamuwonapo Iye, pamene Iko kunali pano kutaima pa nsanja. Ndipo pamene ndinadzakumana naye iye panja... misozi inali ili mmaso mwake, ndipo iye anati, "Billy, kwa nthawi yoyamba mmoyo wanga, ine ndinakuwona Iko." Iye anati, "Ine... iwe unali kumupempherera mzymai, ndipo" anati "Ine ndinakuwona Iko kunangobwera patsogolo pake pomwe ndipo kunadzaima pameneopo mphindi pang'ono chabe, nkusunthira mozungulira kupita kumene iwe unali. Ndiyeno, mwamsanga pamene iwe unasiya kuyankhula, Iko kunadzachokapo." Chotero ndine wokondwa chifukwa cha zimenezo, kuti Iko kunadzabwera patsogolo pamaso ake. Mwaona, dona wamng'ono ameneyo ali nazo zambiri zoti adutse nazo, ndipo chotero ndine wokondwa ndi wosangalala nazo izo.

<sup>7</sup> Tsopano, mawa usiku kudzakhala msonkhano wa machiritso. Inu mukudziwa, ife takhala tikunena sabata ino kuti misonkhano ya machiritso idzabwera Lachisanu usiku. Tsopano, mudzabwere mawa madzulo kapena—kapena molawirira usiku, pafupifupi sikisi koloko, kuchitira kuti inu musadzasokoneze utumiki wonsewo. Ndipo Billy, Leo, Gene ndi iwo, adzakhala ali pano ndi makadi apemphero, kuti adzakupatseni inu khadi la pemphero. Ndi pamene ife timawabweretsa anthu pa nsanja ndi kuwapempherera iwo. Tsopano ife tiri... Ndine... Ine ndiyenera kumachititsa misonkhano yachi Amerika momwe anthu aphunzitsidwira, kusanjika kwa manja. Tsopano, ndiro—

ndiro Lemba, koma ndi mwambo wa Chiyuda. Zimenezo si za Amitundu, koma Amitundu akuzipitiriza izo. Amitundu anali, "Ine sindine woyenera kuti Inu mubwere pansi pa denga langa, muzingoyankhula Mawu ndipo wantchito wanga akhala moyo." Uko nkulondola. Koma Myuda, "Bwerani mudzaike manja Anu pa mwana wanga wamkazi ndipo iye akhala moyo." Mwaona, umenewo unali mwambo wawo, sunali wa Amitundu.

<sup>8</sup> Usiku ndi usiku, ndi ora ndi ora, kudutsa masana ndi usiku, Mzimu Woyeru umabwera, kumawulula, kumadutsa mchipindamo, kumayankhula zinsinsi za mmitima. Inu mumaziwona izo nthawi zonse. Zimenezo ndi zakuti zikudziwitseni inu kuti Kukhalapo kwa Ambuye kuli pano. Tsopano, ngati inu mutangovomereza Izo, inu muchiritsidwa nthawi yomweyo. Chifukwa machiritso onse amene anayamba achitiridwapo kwa inu, anatha kale, iwo akhala alipo kwa zaka naintini handiredi. Chipulumutso chonse chimene inu muti mudzachilandire, icho chinalipiridwa kale, icho ndi chanu mungochilandira basi. Izo zakhala ziri zaka naintini handiredi, kapena kuposerapo, chikhaliireni chipulumutso kwa inu. Koma tsopano inu mumandiwona ine mmisonkhano, ine ndimati, "Kodi izo zikupangitsani inu kukhulupirira?" Onani, zizindikiro ndi zodabwitsa si za machiritso kapena chipulumutso, koma izo ndi zakuti ziwapangitse anthu kuzindikira ndi kumvetsa kuti Kukhalapo kwa Mulungu kuli pano. Ndiye Iye...ngati Iye... Momwe izo zingakhalire, izo ndi chozizwitsa mochuluka. Ife mophweka tikungoyamba tsopano kuwona zozizwitsa.

<sup>9</sup> Tsopano pamene zifika kwa munthu, pakhala pali angapo a iwo akudzuka kuchoka pa machira ndi zikuku ndi zinthu, ndi kumatuluka. Icho sichiri kwenikweni chozizwitsa. Ayi. Mwaona, ngakhale a Christian Science amakhala nazo zimenezo. Izo zikhoza kukhala a—a—chikhaliidwe cha mmaganizo chimene iwe ukhoza kukhala uli...sinthani kaganizidwe kanu. Tsopano, ife sitikukhulupirira kuti izo zinali, chifukwa ine ndikukhulupirira kuti icho chinali chikhulupiriro. Komabe...

<sup>10</sup> Ine ndinali ku La Salle, Lorraine, France. Ine ndinali ku Paris. Ndipo ine ndinapita kumusi kumene iwo anali ndi mkazi wakufa atagona pamenepo, iye anali ataikidwa mmanda. Ndipo iwo ankawusisita mwala pamenepo, ndipo anthu amapita kumeneko ndi olumala, ndodo, ndipo amakazisiya izo pamenepo nkumachokapo, chifukwa chosisita mwala uwo umene unali pa mkazi wakufayo. Mwaona, iye anafa, ndipo sikuti iye akanati azipembedzeranso kuposa...Alipo mkhalapakati mmodzi yekha pakati pa Mulungu ndi munthu, ndipo ndiye Khristu Yesu. Otuluka kuchokera ku banja la Chikatolika, ine—ine ndikudziwa kuti iwo amakhulupirira mwa—mwa anthu amene amafa, kuti ndiyo mizimu yawo ikuwapembedzera iwo; osiyanasiyana, ena za ndale ndi ena za zinthu zina. Kwa ine, ndi zamizimu. Ine sindikupweteka kumverera kwanu,

ndikuyembekeza, koma ine ndiyenera kukhala woona mtima. Mwaona, chirichonse chimene chimapembedzera akufa ndi zamizimu.

Iwo anandifunsa ine zimenezo ku Mexico, ndipo anati, “Nanga bwanji Yesu?”

<sup>11</sup> Ine ndinati, “Iye sanafe. Iye anawukanso kachiwiri, Iye ali wamoyo kwanthawizonse.” Mukuona? Iye sali wakufa, Iye ndi wamoyo. Ena onsewo anawolokera kumeneko, chimene, Lemba limanena kuti “Iwo amene ali kumeneko sangathe kubwera kuno, ndi awa amene ali kuno sangakhoze kupita kumeneko.” Palibe munthu amene anayamba wawolokapo kapena adzatero. Chotero izo zimakhazikitsa izo ngati... Yesu ananena chomwecho.

<sup>12</sup> Koma ife timazipeza zinthu izi zikugwira ntchito. Chotero tsopano ndi usiku uliwonse Mzimu Woyeru ukuyesetsa kuti ubweretse kwa inu Kukhalapo kwa Umunthu Wake pano, osati kukhalapo kwa munthu. Munthu akhoza kungodzichepetsa yekha, mwa mphatso iye akhoza kudziperekha yekha kukalowa mu gawo lina la Mzimu limene likhoza kumutsegula Mulungu kwa inu. Koma izo sizidzagwira konse ntchito mpaka inu nokha mutakhulupirira izo ndi kuzivomereza izo, ndipo zikatero izo zimagwira ntchito. Mwaona, ngati inu mutangokhala pamenepo ndipo aliyense wa inu—aliyense wa inu osamakhulupirira, osakhulupirira Mawu a Iwo, izo sizingagwire konse ntchito.

<sup>13</sup> Yesu, pamene Iye anapita kwa gulu Lake lomwe, dziko Lake lomwe, ntchito zambiri zamphamu Iye sakanzachita chifukwa cha kusakhulupirira kwavo. Ndipo ngati Iye sanakhoze kuchita izo nthawi imeneyo, Iye sangakhoze kuchita izo tsopano, chifukwa cha kusakhulupirira. Mwaona, ndi chikhulupiriro chanu.

<sup>14</sup> Chotero izo zimatengera inu ndi ine, limodzi ndi Mzimu Woyeru, kuti tizipangitse zinthu izi kumachitika; kundilola ine kuti ndisangalale, kukulolani inu kuti musangalale, kuti Mulungu ali pano amene amasunga Mawu Ake.

<sup>15</sup> Koma pamene Mzimu Woyeru ukhoza kubwera mu msonkhano, kudzakwaniritsa ndendende kwa Lemba zimene Iye ananena kuti zikanadzachitika mu masiku otsiriza, ndipo nkupita kunja pa omvetsera monga Iye anachitira pamene Iye anali kuno, ndi kuzindikira zinsinsi zomwe za mitima, ndi malingaliro ndi zolinga za mtima ndi maganizo, zingatheke bwanji kuti aliyense akayikire? Onani, pali chozizwitsa changwiyo, chozizwitsa chochuluka kuposa kuyenda kwa wolumala, chifukwa ndi zosatheka kuti izo zichitike popanda mphamu yauzimu. Iyenera kukhala mphamu yauzimu kuti ichite zimenezo. Chotero, ndipo zikatero inu muziwona izo ndendende basi zomwe Baibulo linalonjeza ndi zimene iwo ana... zimene ife timakhulupirira. Ndi chozizwitsa mochuluka

kuposa kufuula. Mwaona, ndi chozizwitsa mochuluka kuposa kuyankhula ndi malirime. Paulo ananena chomwecho. Ngakhale mphatso zenizeni za Mzimu Woyerza kuyankhula mmalirime, ndi chozizwitsa mochuluka kuposa zimenezo. Ife tiri pa chozizwitsa chotsiriza. Izo zinanenedweratu mwanjira imeneyo ndi Baibulo.

<sup>16</sup> Chotero, usikuuno, inu simuchita kudikirira mpaka mawa usiku kuti mudzadutse pa mzere kuti mudzasanjikidwe manja. Tsopano, kuika manja pa inu sikudzachita zoposa kuzindikira kwa maganizo a mu mtima; osati mochuluka, kwa ine. Ndiye inu mukhoza kungolandira icho, kugwiritsitsa kwa icho, ndi chanu. Ndipo inu mudzakhulupirire izo ndi mtima wanu wonse.

<sup>17</sup> Koma mawa usiku, ngati inu... Lemba limanena kuti, "Pitani ku dziko lonse lapansi, kalalikireni uthenga kwa cholengedwa chirichonse; zizindikiro izi zidzawatsatira iwo amene akhulupirira." Zizindikiro zonse; ndiyeno, pamapeto pake, Iye anati, "Ngati iwo adzayika manja awo pa odwala, iwo adzachira." Izo nzoona. "Iwo amene..." A... Izo zidzawatsatira okhulupirira. Chabwino. Tsopano, ife—ife ndife okhulupirira, chotero, mwanjira imeneyo, ife timakhala ndi usiku ndi usiku wa kusanjika manja pa odwala, ndipo Mulungu wachita nawo zozizwitsa zazikulu. Ife takhalapo ndi zozizwitsa zazikulu popempherera mipango. Ife takhalapo ndi zozizwitsa zazikulu ndi kuzindikira maganizo a mu mtima. Mwaona, zonse za izo pamodzi, zimagwira ntchito kwa ulemelero wa Mulungu. Izo si za munthu, si za mpingo, ndi za kwa ulemelero wa Mulungu. Ulemelero wa Mulungu!

<sup>18</sup> Tsopano, ife tisanatsegule Mawu tsopano a usiku uno... Oh, ife tikhoza kutembenzira mmbuyo masamba monga *chonchi*, koma Mulungu ayenera kuti atsegule Iwo; chifukwa Lemba liribe kumasulira kwa mseri, koma Mzimu Woyerza umene unalemba Lemba ndiye Wotanthauzira wake. Chotero tiyeni ife tiweramitse mitu yathu tsopano pamene ife tikupemphera. Ndipo ndi angati omwe akufuna kuti akumbukiridwe mu pemphero, kodi inu mungangochidziwitsa icho pokweza manja anu, chirichonse chimene icho chir? O Mulungu, taonani. Ife tonse tikusowa, sichoncho ife? Ndine wosowa, inenso, abwenzi. Ndakweza manja anga mmwamba.

<sup>19</sup> Atate Akumwamba, modzichepetsa ndi mwakachetechete ndi molemekeza ife tikubwera mu Kukhalapo Kwanu kwakukulu kwaulemu, tikudziwa, chinthu chimodzi icho chisanachitike, Inu mukhala muli pano chifukwa Inu munalonjeza kuti mudzakhalapo. Inu munati, Inu musanachoke, "Kulikonse kumene awiri kapena atatu adzasonkhana mu Dzina Langa, kumeneko Ine ndidzakhala pakati pawo. Ndipo ngati iwo adzagwirizana pa chinthu chimodzi chirichonse, akapempha, iwo adzalandira." Ambuye, kuti mubweretse lonjezo Lanu kwa izi, chogula cha Magazi Anu, ine ndikupempha kuti mwamuna

aliyense, mkazi, kapena mwana, amene anakweza manja awo usikuuno, Inu mukudziwa mtima wawo, mulole iwo alandire chimene iwo akupempha. Perekani izi, Ambuye.

<sup>20</sup> Ndife anthu osowa. Ife tikuyenda mu dziko la mdima, ndi mdani Wanu wamkulu, kuti, ife sitikanamenyana naye nkomwe ngati ukapananda kukhala Mzimu Wanu Woyer. Chotero ife tikudalira, tikukhulupirira, ndipo tikuchita mwa chikhulupiro, kuti Iye apita patsogolo pathu ndi kukatiyeretsera njirayo. Misampha yambiri mu msewu, imene yatcheredwera pamapazi athu otopa, koma ife tikuyesetsa kutsatira mapazi a Magazi a Iye amene anagonjetsa imfa, gehena, ndi manda.

<sup>21</sup> Tilondolereni ife, usikuuno, mwa Mzimu Wanu Woyer, Ambuye, kupita ku Mawu amene ayenera kunenedwa, kenako muwalondolere Mawu ku mtima umene ukuwasowa Iwo. Ndiye, Ambuye, mulole pamapeto a msonkhano, ndipo ife tikayamba kupita ku nyumba zathu zosiyanasiyana, mulole ife tidzathe kunena, monga iwo amene ankachokera ku Emau, “Kodi mitima yathu siinatene mkatı mwathu pamene Iye amayankhula nafe mnjira?” Pakuti ife tikupempha izi mu Dzina la Yesu, ndi chifukwa cha Iye. Ameni.

<sup>22</sup> Kwa inu amene mukusunga Malemba, mutembenuze limodzi ndi ine ku bukhu la Mafumu Woyamba. Ine ndikukhumba kuti ndiwerenge gawo la ndime ya 17... Mutu wa 17, kani, ndipo ine ndiyambira pa ndime ya 14. Kuwerenga ndime ya 14, ya 15 ndi ya 16 za mutu wa 17 wa Mafumu Woyamba:

*Pakuti atero AMBUYE Mulungu wa Israeli, Mbiya ya ufa siidzatha, ngakhalenso nsupa ya mafuta siidzauma, kufikira tsiku... AMBUYE adzavumbitsa mvula pa dziko lapansi.*

*Ndipo iye anapita ndipo anakachita monga mwa maiwu a Eliya: ndipo iye, ndi iye, ndi a mnyumba yake, anadya masiku ambiri.*

*Ndipo mbiya ya ufa siinathe konse, ngakhalenso nsupa ya mafuta kuuma, monga mwa mawu a AMBUYE, amene ananena kudzera mwa Eliya.*

<sup>23</sup> Kuyenera kuti kunali kutangocha kumene pamene iye anadzutsidwa. Anatembenzira mutu wake wotopa pa pilo pamene anamva kulira kwachisoni, kwakung'ono kukudutsa mchipindamo. Ndipo iye sanakwanitse kugona usiku wonse, iye amakankhidwakankhidwa chifukwa cha vuto lalikulu ili. Mnyamata wamng'onoyo anali atadzukanso, osagona kuposera mphindi twente kapena sarte, ndipo ine ndikukhoza kumva liwu lake laling'ono likuti, “Amayi, kodi inu simungatuluke ndi kukayang'ananso mosungira zinthumo ndi kukawona ngati mulibe kachidutswa kakang'ono ka mkate? Ine ndiri ndi njala kwambiri! Ine ndikulephera basi kuti ndigone.”

<sup>24</sup> Ndipo pamene iye anayang'ana mu nkhopre yake yaing'ono ndi...matsaya ake aang'ono akumira, ndi maso ake aang'ono akusanduka achikasu, tsitsi lake lalitali likulendewera pansi chifukwa cholephera kuti alidule, malaya ake ausiku ang'ono ong'ambika; misonzi yonenepa ikuchokera mmaso mwake inalavulira pankhopre yake yaying'ono, pamene iye amamusisita pa tsaya ndikuti, "Wokondedwa, tayesera ukagone, ndipo umvetsetse."

<sup>25</sup> Kunali kutakhala zaka zitatu kumeneko zimene zinali zopanda mvula pa dziko lapansi. Iye anagwada pansi, ine ndikukhoza kumuwona iye pamene amalilira kwa Mulungu, iye anati, "O Ambuye Mulungu, Yehova, Inu ndinu Mulungu wa makolo athu, Yemwe mwadyetsa ana Anu ndi kuwasamalira iwo kudutsa mzakazi. Ndipo ine ndayesetsa kukhala woona ndi mowongoka kwa Inu, ndipo tsopano ine ndiri pano ndikumuwona mwana wanga wamng'ono akulirira chinachake kuti adye, ndipo ndiribe choti ndimupatse iye. Kwa mabasata ambiri tsopano takhala tikudzilola tokha kukhala ndi chakudya kamodzi masiku atatu kapena anayi aliwonse, ndipo tsopano chonsecho chatha koma ufa wodzaza mdzanja limodzi ndi mafuta odzaza nsupuni. Ndipo ine ndikuyesetsa kuti ndizisunge izo mpaka kutawala masana, kuti ife tisachite kuwa pamene uli usiku. Kodi ine ndachita chiyani, O Mulungu? Ine, mdzakazi wanu, ndakhala woona. Mwamuna wanga anakafera ku nkhondo, nkhondo ya Ambuye, ndipo ine ndakhala ndiri wamasiye kwa zaka zingapo tsopano, ndipo ndayesetsa kukhala moyo woyenera ndi kusunga Malamulo Anu. Ndipo ngati ili nthawi yanga yoti ndzipita, ine sindikusamala; koma mwana wanga wamng'ono, izo zikungong'ambira mtima wanga mzidutswa ndikamumva iye akupempha chinachake choti adye, wopanda kanthu kiti ndimupatse iye."

<sup>26</sup> Pamene iye anatsiriza kupemphera, iye anadzuka. Iye anali atabwereranso kukagona kwa mphindi zingapo. Ndipo iye anali atakweza manja ake mmwamba, ndipo chovala chausiku chansanza chomwe iye anali atavala chinali pafupi kutha. Iye akupita pa zenera ndipo akuyang'ana panja, ndipo kwatsala pang'ono kuti kuche. Oh, kunali kutatentha kwambiri!

<sup>27</sup> Mphepo zotentha zaku chiweruzo zinali zikuwomba pa fuko limene linali litamuiwala Mulungu. Zimenezo zinali mu ulamuliro wa Ahabu, mfumu yankhanza ya Israeli ndi yauthakati kwambiri. Ndipo iye anali atakwatira wochimwa, Zezebeli, yemwe anali wopembedza mafano. Ndipo ukwati wosakanizikirana wonga umenewo sumapambana nkomwe, sizingathe basi kuti zitero, mwina mkaziyo adzabwera mbali ya mwamuna kapena mwamuna adzapita mbali ya mkaziyo. Ndipo iye anali mkazi wamng'ono wokongola kwambiri, ndipo Ahabu, basi wongokhala ngati wokhulupirira wofunda, anali atagonjera ku malingaliro ake ndipo anati, "Oh, chabwino,

chipembedzo ndiribe nacho kanthu, ndine mfumu.” Ndipo iwo anali atagwetsera kale pansi maguwa a Mulungu ndipo anali atamanga maguwa a Baalimu, kapena Baala, kani. Ndipo kulirako kunali kotsutsana kwambiri ndi chipembedzo choona mpaka atumiki pansi pa kupsyinjika kwakukulu anali atalephera.

<sup>28</sup> Nthawi ina kale ine ndinapanga ndemanga ya atumiki, kapena chinachake chimzake mu tsiku lino, ndipo gulu linakomana nane ndipo linati, “M’bale Branham, osonkhana athu amangokokera kwa ife!” Ndi chimene chimayambitsa izo, osonkhana amatuluka ngati mtumikiyo sakuwasangalatsa iwo.

<sup>29</sup> Ndipo nthawi yaitali kwambiri atumiki anali atagonjera pansi pa zofuna za mfumu chifukwa tchimo limalolezedwa, kunalibe malire. Icho ndi chithunzi chabwino kwambiri cha lero chifukwa, fuko linali litavomereza zinthu izi, anthu ankafuna kuti akhale otchuka. Iwo ankaganiza kuti, “Bola ngati fuko lanena chomwecho, izo zinali bwino.” Ndi momwe iwo amanenera lero, “Bola ngati fuko likunena kuti nkwbawino kugulitsa mowa, ndiye kuti nzabwino kumamwa iwo. Ngati fuko likuloleza akazi athu kuti azivala zatheka pa msewu, ndipo lamulo nkusamawathamangitsira iwo mkatı, bwanji, nzabwino kuchita zimenezo.” Izo zikhoza kukhala zabwino kwa fukolo, koma mu mabuku aakulu a Mulungu inu muli nchoyankhira ndipo mudzayenera kudzayankha pamaso pa Mulungu. Koma iwo anali atagwa, anagonjera zimenezo.

<sup>30</sup> Ndipo fukolo linali likuchita bwino, ndipo iwo ankaganiza kuti kulemera chinali chizindikiro chakuti Mulungu anali ndi iwo. Izo siziri zoona zonsezo. Mulungu amabwera kwa inu . . .

<sup>31</sup> Pali mwambi wakale, mwambi wosalemekeza-Mulungu, umene umanena kuti “Mulungu amathandiza iwo amene amadzithandiza okha.” Zimenezo nzopanda ulemu kwa Mulungu! Mulungu amathandiza iwo amene sangathe kudzithandiza okha. Iye ndi Mulungu wa iwo amene amasowa chifundo. Ndipo Iye ndi Mulungu wachifundo. Ndipo mwambi uwo umene umanena kuti “Iye amathandiza iwo amene amadzithandiza okha,” ngati iwe ungaethe kudzithandiza wekha, iwe sumasowa thandizo Lake. Koma Iye amawathandiza iwo amene sangathe kudzithandiza okha.

<sup>32</sup> Koma fukolo linali litaganiza, bola ngati iwo amadya bwino ndipo amavekedwa bwino, kuti zonse zikhala bwino.

<sup>33</sup> Koma panali mmodzi amene anali akadali wachikale, amene ankakhulupirira kuti kunali Mulungu amene anali wakachitidwe-kachikale, ankakhulupirira kuti kunali Mulungu amene amasunga Mawu Ake, ankakhulupirira kuti Mulungu wa Abrahamu, Isaki ndi Yakobo anali woyerwa ndipo ankafuna kudzipereka kotheratu ku chiyero Chake. Koma Yezebeli ndi gulu lake lamakono ankamuda iye. Iye anali m’busa wawo, koma

sankakhulupirira zimenezo. Chotero, iye ankachita kubisala kuti apulumutse moyo wake.

<sup>34</sup> Ndipo Mulungu anali atamatumiza iye pamwamba pa phiri, ndipo anati . . . mpatseni iye uthenga, ndipo anati, "Tsika ndipo ukaiwuze mfumu yakale yoyipayo, 'PAKUTI ATERO AMBUYE.' Siivumba mvula, kapena ngakhale mame kugwa, mpaka iwe utaiyitana iyo." Anaziperekira izo mkamwa mwa Eliya kuti adzaitane mvula ikadzafika nthawi ya iyo; koma iye anali nawo mafungulo a kumwamba, iye ankakhoza kukatseka iko kapena kukatsegula iko. Ndipo Iye anati, "Ine ndikufuna kuti iwe upite kuchokera ku chipululu . . . mu izi . . . upite mu chipululu, kani, uchoke mu chisokanezo ichi. Uchoke pakati pawo. Iwe walalikira kwa iwo ndipo iwo sakukumvera iwe, ndipo iwo akuipiraipirabe. Ukwere upite ku chipululu, ndipo kumeneko ukakhale pansi mphepete mwa mtsinje, Keriti, ndipo Ine ndika . . . ndawalamulira kale akhungubwi kuti akakusamalire iwe." Oh, ngati anthu satero, Mulungu ali ndi akhwangwala amene angakhoze kuchita zimenezo!

<sup>35</sup> Yohane anati, "Mulungu ndi wokhoza mwa miyala iyi kuwutsira ana kwa Abrahamu."

<sup>36</sup> Yesu anati, "Ngati iwo akhala chete, miyala mwamsanga idzafuula mokweza."

<sup>37</sup> Mulungu akhoza kuchita chimene Iye akufuna. Iye anati, "Ine ndalamulira akungubwi, ndipo iwo azikakudyetsa iwe." Ndipo iwo amamubweretsera iye nyama ndi mkate.

<sup>38</sup> Winawake ananena nthawi ina, "Kodi iwo amazitenga kuti zimenezo, M'bale Branham?"

<sup>39</sup> Ine ndinati, "Ine sindikudziwa. Chinthus chokhacho chimene ine ndikuchidziwa, iwo amabweretsa izo. Iwo amazipeza izo kuchokera pamalo omwewo amene Yesu anachita pamene Iye anatenga nsomba zisanu ndi . . . kapena mabisiketi asanu ndi nsomba ziwiri, ndi kudyetsa zikwi zisanu. Izoo zinachokera ku dzanja lomwelolenga la Mulungu Wamphamvuzonse." Iwo ankamubweretsera iye nsomba ndi mkate, akhwangwala, amakhala pansi, ndi kupereka izo kwa Eliya, ndipo iye ankadya izo, ndipo amawerama namwa kuchokera mu kasupeyo. Mulungu anali akumupumitsa mneneri Wake.

<sup>40</sup> Oh, ndine wokondwa kwambiri kuti Mulungu ali nayo njira yopulumukirapo! Ndipo pamene iwo ankaganiza kuti iye wapenga, "Mneneri wokalamba uja, wokalamba wowononga chisangalalo," nthawizonse kuyesetsa kuti achotse chisangalalo kuchokera pa maphwando awo aang'ono okondwa omwe anali kukhala nawo, kumawaiza iwo kuti izo zinali tchimo. Ndipo Mulungu . . . iye akutsatira kutuma kwa Mulungu, anakwera mmwamba mmapiri ndipo anakakhala pansi pamalo okwela, malo owumitsitsa mdzikolo. Koma Mulungu

anasunga mtsinjewo ukuyenda. Ndipo iwo anali ali kumusi uko akudziluma lirime lawo pofuna madzi.

<sup>41</sup> Inu mukudziwa, Mulungu ali nayo njira yoyankhira pemphero. Mkazi wamng'ono uyu anali atakhala woona. Iye anali asanakwatireno, iye amakhala wosakwatiwa kuti adzakumane ndi mwamuna wake mu ulemelero. Iye anali mkazi wolemekezeka. Ndipo kwa masabata mbiya inali ikutsikiratsikira, pansi, ndipo iye mosalekeza akupemphera, ndipo komabe nkumawoneka ngati kuti panalibe chiyembekezo paliponse.

<sup>42</sup> Inu mukudziwa, pamene po ife tikanakhoza kupeza phunziro kuchokera kwa izo. Kuti, ngati iwe wapemphera ndipo wakwaniritsa zofunikira zonse zimene Mulungu amafuna kuti iwe uzikwaniritse, ndipo komabe Iye nkukhala ali chete, Iye osamanena kalikonse, ndipo komabe iwe wakwaniritsa zofunikira, tsopano, nchiyani chiti chichitike? Ngati iwe ukudziwa kuti wakwaniritsa zofunikira Zake ndipo wachita zonse zomwe ukudziwa kuchita kwake, ndiye chikhulupiro sychigwedezeaka, chimangokhala duu ndi kumaganiza mwabwino. Chikhulupiro chimatenga kugwira kwake kosatha pozungulira Thanthwe la Mibadwo, ndipo sychimasuntha.

<sup>43</sup> Munthu wamkulu uja wotchedwa “chikhulupiro”! Ine kawirikawiri ndanenapo kuti, “Chikhulupiro chimakhala ndi ubweya pachifuwa.” Pamene icho chiyankhula, china chirichonse chimakhala chete. Pamene chikhulupiro chinena kuti, “Khalani chete!” ndiye chirichonse chimayima, chifukwa iyeyo ndi bwana.

<sup>44</sup> Ndipo iye anali atakwaniritsa zofunikira zonse. Iye anali atakhala moyo wabwino, anali atakhala moyo woyenera, anali atakhala moyo wolemekezeka, ndipo anali atakwaniritsa zofunikira zonse za Mulungu. Koma, zikuwoneka ngati Iye anali chete. Mulungu amachita zimenezo nthawizina kuti akuyesen iwu, kuti awone mtundu wa momwe inu mungachitire. Musayiwale zimenezo!

<sup>45</sup> Ngati inu mwadutsa pa nsanja, inu mwapemphereredwa, ndi manja ayikidwa pa inu, ndipo zikuwoneka ngati palibe chimene chikuchitika, zimenezo sizimaimitsa chikhulupiro mpang'ono pomwe, inu mwakwaniritsa zofunikira za Mulungu. Tsopano, ngati inu mwakwaniritsa izo! Tsopano, ngati inu mukumbisira Mulungu, inu mukudziwa kuti mtima wanu ukukutsutsani inu... Ndipo ife tikudziwa, “Ngati mtima wathu sukutitsutsa ife, ndiye kuti ife tiri.” Tsopano, koma ngati mtima wathu utitsutsa ife, palibe chifukwa chodzera pa nsanja, palibe chifukwa chomupempha Mulungu chirichonse, chifukwa inu mulibe chikhulupiro choti mulandirire izo. Koma pamene inu mwakwaniritsa chosowa chirichonse chimene Mulungu akufuna, ndiye chikhulupiro chimatulukira poyeramene,

ndipo chimati, “Mulungu ndi Mulungu! Ine ndakwanirtsa zofunikira.”

<sup>46</sup> Lembu limati, “Iwo amene adikirira pa Ambuye adzatenganso mphamu zina, iwo adzakwera mmwamba ndi mapiko monga mphungu, iwo adzathamanga ndipo sadzatopa, kuyenda ndipo sadzakomoka.” Monga nyimbo imanenera, “Ndiphunzitseni ine, Ambuye! Oh, ndiphunzitseni ine, Ambuye, momwe ndingamadikiririre.” Utsukeni moyo wanga mu Magazi a Kalvare, ndikwanirtse chosowa chirichonse, nditenthe milatho yonse yozungulira, ndi kuti, “Tsopano, Ambuye, palibe kanthu mmanja mwanga komwe ine ndikubweretsa, mophweka ku Mtanda Wanu ine ndikukakamira. Inu munalonjeza zimenezo, Ambuye.” Ndiwo mtundu wa chikhaliidwe, chifukwa chimene anthu amaganiza kuti ndine wodzisankha. Koma mchipinda, kapena uko kumbali ya chipululu, ndicho chikhaliidwe chimene inu tuyenera kulowamo musanafike pa guwa pano. Chifukwa, Satana nthawizonse amalowetsamo tiziwanda ting’onoting’ono kuti adzayesere kukhumudwitsa chinachake. Ndipo inu tuyenera kumagwiritsitsa Mtanda, osati kudalira kuthekera kwanu kwani, maganizo anu omwe, kumangotsamira pa Nkono wosatha. Osadzinenera luntha lirilonse, osadzinenera nzeru za inu eni, inu mukungodzitsegula nokha ndi kuwulola Mzimu Woyeru kuti uyankhule. Ndicho chikhaliidwe chimene Mulungu akufuna kuti Mpingo Wake ukhalemo. Mukhale mu chikhaliidwe chimenecho.

<sup>47</sup> Mulungu amakuyesani inu. Mwana aliyense amene amabwera kwa Mulungu amayenera poyamba ayesedwe, alangidwe, kuti awone ngati iye angakhoze kuyima nako kulangidwako. Ngati ife tingayende ndikunena kuti, “Ine ndikukhulupirira kuti Yesu Khristu ndi Mwana wa Mulungu, kuti Iye anafera machimo anga ndipo anawukanso tsiku lachitatu. Iye anavulazidwa chifukwa cha zolakwa zanga, anatunduzidwa chifukwa cha mphulupulu zanga. Chilango cha mtendere wanga chinali pa Iye, ndipo ndi mikwingwirima Yake ine ndachiritsidwa.” Pamene inu mukunena zimenezo, ndi kuvomereza... machimo anu onse ndi mphulupulu zanu, ndipo kuthekera kwanu ndi zonse zimene inu muli nazo, mukaziyike izo pa guwa, ndiye, pamenepe, wopanda kalikonse mdzanja lanu, Satana adzaponya muvi uliwonse pa inu umene iye angathe. Komano ngati mupotoloka pamenepe ndi kunena kuti, “Chabwino, mwinamwake ine sindinapulumutsidwe, mwinamwake ine sindinachiritsidwe,” ndiye nkuchoka kwa Ichu, Baibulo linati ndinu “ana apathengo, ndipo osati ana a Mulungu.”

<sup>48</sup> Mulungu amamuyesa mwana aliyense wa Abrahamu monga Iye anachitira ndi Abrahamu, pakuti ndife Mbewu ya Abrahamu. Pakukhala akufa mwa Khristu, ndife mbewu ya Abrahamu ndipo ndife olowa nyumba monga mwa lonjezano.

Mbewu ya Abrahamu, ndiwo mzimu umene Abrahamu anali nawo. Iye anali nalo lonjezo loperekedwa. Ndipo ngati atate wathu ankamudalira Mulungu, ndipo natenga lonjezo, chosathekacho, ndipo nagwiritsitsa kwa icho kwa zaka twente faivi chisanawonetseredwe nkomwe, kumakhala wamphamvu nthawi zonse, mbewu yake chimodzimodzi monga atate. Ziribe kanthu zomwe zingachitike, pamene ife tapemphereredwa, izo zakhazikika! Pamene ife tichotsa chirichonse panjira, takwanirtsa zofunikira zonse, tachotsa chirichonse panjira, ndiye mumufunse Mulungu, ndipo muime pamenepo mukudziwa kuti mulandira izo.

<sup>49</sup> Mulungu anamuyesa Yobu monga choncho. Pamene Yobu anapempha chifundo, anapereka nsembe ya ana ake, chinthu chokhacho chimene mneneri ameneyo anali nacho chinali nsembe yopsyereza. Koma ndizo zonse zimene Mulungu ankafuna.

<sup>50</sup> Mulungu samafuna maphunziro ndi zamkhutu zambiri, Iye amafuna mtima wodzipereka ku chifuniro Chake. Iye samakufunsani inu kuti muvale mwanjira inayake, kapena—kapena kupita ku zinthu zina kapena ku makoleji ena ake, kapena madigiri. Iye amapempha mzimu wodzichepetsa, wosweka, wosmidwa, ndi mtima wofunitsitsa kumulandira Iye.

<sup>51</sup> Iye anamuyesa Yobu, ndi kuwona mtundu wa kachitidwe komwe Iye akanakapeza mwa iye. Koma pamene Iye anatenga nkhosa yake, ndikutenga ng'ombe yake, ndikutenga ngamilia zake, ndikutenga ana ake, “Ine ndiwona zomwe Yobu ati anene tsopano.”

<sup>52</sup> Ndipo iye anati, “Ambuye waperekwa ndipo Ambuye watenga, lidalitsike Dzina la Ambuye.”

<sup>53</sup> Iye anapeza zomwe Iye anamuua Satana zomwe Iye anali nazo mwa Yobu, “Palibe wonga iye, padziko lapansi.”

<sup>54</sup> Kenako mabingu anayamba kubingula, mphezi zinayamba kung'anima. Mzimu unabwera pa mneneri, ndipo iye anafuula, “Ine ndikudziwa Muomboli wanga alimoyo, ndipo mmasiku otsiriza Iye adzayima pa dziko lapansi. Ngakhale mphutsi zingawononge thupi ili, komabe mu mnofu wanga ine ndidzamuwona Mulungu; Yemwe ine ndidzamuwona inemwini, maso anga adzamuwona, ndipo osati wina.”

<sup>55</sup> Iye anawayesa ana a Chihebri kuti awone mtundu wa kachitidwe kawo. Iwo anali atavomereza pakati pa achikunja kuti “Analipo Mulungu wamoyo, analipo Yehova Mulungu, ndipo kuti Iye anali Mulungu wa Kumwamba ndi Mulungu wa padziko lapansi, ndipo Iye amagwira moyo uliwonsse mdzanja Lake.” Chotero Mulungu anawasiya iwo kuti ayesedwe. Ndipo iwo anali atakwanirtsa zofunikira zonse, iwo anali atapemphera ndipo anachotsa chirichonse panjira yawo. Ndipo iwo samagwadira ku fano la mfumu. Ndipo anatenthetsa

ng'anjoyo kuwirikiza kaseveni kuposa momwe inaliri poyamba. Ndipo mosakaikira kuti Satana amayesera kumawauza iwo, "Awa ndi mapeto a msewu." Ine ndimakonda momwe iwo amayankhulira, "Mulungu wathu ndi wokhoza kutilanditsa ife ku ng'anjo ya motoyi, koma, komabe, ngati Iye satero, ife sitidzaswa Malamulo a Mulungu. Ife tidzakhala owona! Mulole chikhulupiro chathu chidzamveke kudutsa mzaka zimene ziri nkudza, kuti, ife tinakhala owona kwa lonjezo la Mulungu."

<sup>56</sup> "Mulungu wanga ndi wokhoza kundichirtsia ine kwa *ichi*." Kapena, "Mulungu wanga ndi wokhoza kundichotsa pa chikuku *ichi*. Mulungu wanga ndi wokhoza kuchita *izi*. Koma ine ndamuvomereza Iye ngati Mchiritsi wanga. Ine ndalapa machimo anga (kusakhulupirira kwanga) ndipo ndavomereza kuti ndikukhulupirira kuti Iye ndi mchiritsi wanga. Chobwera chibwere, chopita chipite. Ngati sindikhala bwino lero, ndidzakhala mawa; ngati sinditero mawa, ndidzakhala chaka chamawa. Ambuye waperekwa ndipo Ambuye watenga, lidalitsike Dzina la Ambuye!"

<sup>57</sup> Oh, ndi izo pamene! Ndipo pamene iwo anadzalowa mu ng'anjo yamoto, pansi pa yesero, pansi pa kuyesedwa, iwo anagwiritsitsa moona mpaka kumatsiriziro. Koma Mulungu anali pamene mu kamphindi chabe, ndipo Iye anawapulumutsa iwo. Iwo anadziwa kuti iwo anali atapemphera, machimo awo anali atavomerezedwa. Iwo ankadziwa kuti iwo anali atakwaniritsa chosowa chirichonse, ndipo komabe Iye ankawoneka kuti anali chete. Iye amangokhala chete kuti akuyesen i inu, kuti awone chimene inu muli, chimene chiri mkat i mwa inu, kuwona ngati inu mukutanthauza kwenikweni kuchokera pansi pamtima wanu zimene mukunena ndi milomo yanuzo. Mulole zimenezo zipite mwakuya. Ife tikoza kunena ndi milomo yathu, koma kodi mtima wathu ukunena zimenezo?

<sup>58</sup> Tsopano, pamene mkazi wamng'ono uyu anadziwa kuti iye anali atakwaniritsa zofunikira zonse *izi*, ndipo komabe Mulungu anali ali chete. Zinkawoneka ngati Iye samasamala nkomwe za iye, Iye samasamala kaya iye akhala moyo kapena afa. Koma, nthawi zonse, Mulungu anali akugwira ntchito. Iye samadziwa za izo, koma Mulungu anamuza Eliya. Iye anawuwumitsa mtsinje, anatambasula dzanja Lake, anawuimitsa mtsinjewo kuti usayende. Ndipo Eliya anati, "Ambuye, chifukwa chiyani waima?"

<sup>59</sup> Iye anati, "Ine ndamulamulira mkazi wamasiye kuti akudyetse iwe." Iye anali atamulamulira kale iye, iye samadziwa zimenezo.

<sup>60</sup> Iye mwina analamulira umboni wa machiritso anu; inu mwina simukudziwa izo, koma ingodikiriranibe. Pamene inu mwatsimikiza kuti mwakwaniritsa zofunikira zonse, pamene inu mukudziwa kuti mwachita chirichonse chimene inu mukudziwa

kuchichita, ndipo mwadziika nokha pamaso pa Mulungu, pali chinthu chimodzi chokha choti muchite, ndicho, kukakamira ku lonjezo Lake ndiye. Kukhala pamene! Mulungu analonjeza kuti adzakuyankhani, Iye adzachita zimenezo. Inu simukudziwa zimene Iye walamula, mngelo wake, kapena *choti* achite. Ukhoza kukhala usiku uno, msonkhano wa machiritso usanayambe mawa usiku. Mulungu zikhoza kukhala kuti wawona mmene muliri lero, Iye mwina zikhoza kukhala kuti wamva pemphero lanu.

<sup>61</sup> Ine ndinawamvera chisoni kwambiri anthu ogontha awa ndi osayankhula. Ine ndikufuna kuti ndisanjike manja pa iwo ndi kuwapempherera iwo, ndinayamba kuyima usiku watha, koma ine ndinanena kuti izo sizikhala zabwino kwa ena onsewo. Koma ndidziwa bwanji kuti kwinakwake si Mulungu wachete amene amadziwa mtima, anthu awa akwaniritsa chofunikira chawo cha Mulungu, ndipo iwo ndi okonzeka, ndipo pali mngelo pano usikuuno kuti awapulumutse iwo ku zosautsa zavo zonse? Kodi ine ndikudziwa bwanji? Mulungu akhoza kukhala kuti walamula chiwombolo chawo usikuuno. Kaya ine ndipempherere odwala, kapena ayi, iwo alandira icho chifukwa Mulungu wachifuna icho. Mukhale otsimikiza za Mulungu, ndipo kenako mugwiritsitse, mukwanirits zofunikira Zake. Mulungu amadziwa kuchita zinthu zomwe ziri zoyenera, amadziwa kuzichita izo mwanjira yoyenera.

<sup>62</sup> Tsopano, ndi chinthu chachirendo kwambiri kuti Mulungu angatumize mneneri Wake ku nyumba ya mkazi wamasiye. Malo akewo! Koma iye ayenera kuti anali mkazi wawukoma kwenikweni, kapena Iye sibwenzi atamutumiza konse mneneri Wake kumeneko. Oh, ngati munthu anali woyenera, akanayenera kukhala munthu woyenera kuti akamuchezetse munthu wonga Eliya.

<sup>63</sup> Inu mukukumbukira, anali Zakariya, mu nyumba yake, kuti iye anali wokhulupirika ndi woona, akuyembekezera kuti Mulungu awapatse iwo mwana, ndipo Mngelo, Gabrieli, anabwera ku nyumbako. Analis namwali Maria yemwe anakhala moyo woyeria ndi wangwiyo, ndi kumayembekezera lonjezo la Mulungu, limene Iye anamutumizira Mngelo.

<sup>64</sup> Kukamba za kumayendayenda ndi dziko ndi kumadzivula ndi dziko lapansi, ndiyeno nkuyembekezera kuwawona angelo ndi kumachita zozizwitsa, izo ziri kunja kwa dongosolo la Mulungu. Inu tuyenera kumakhala moyo woyenera. Musesemnyumba, musesem zizolowezi zanu, musesem zinthu za mdziko, kuchotsa makadi anu ndi oyanjana nawo anu achidziko, mukhale okonzeka, ndipo mukatero Mngelo wa Mulungu akhoza kuyankhula ndi kunena, "Musawope, ndi Ineyo." Mukatero zinthu zichitika. Koma iye...

<sup>65</sup> Mkazi wamng'onoyo anali pansi akupemphera, osadziwa kuti akuyenda pansi pa phiri anali mneneri akubwera. Iye anali

ndi masomphenya, koti apite. Mulungu samawatsogolera anthu Ake mwakhungu, Iye amawauza iwo kumene akupita. Iye anali kuyang'ana mu mzinda. Oh, izo zinali zowopsya. Anthu anali akufa ndi njala, ndi kumafuula pofuna madzi, ndi anthu anjala. Ndi chinyezimiritsa cha chiwerewere. Ndi chinyezimiritsa cha tchimo.

<sup>66</sup> Ndipo fuko lino likufuna zimenezo. Inu simungathe... Miyezo, ngakhale lamulo la chirengedwe silingalole kuti izo zitero, pamene ife—pamene ife tikuwononga ndalamu ndi moyo wachipwirikiti, ndipo theka la dziko lapansi likufa ndi njala (iwo onse ndi anthu amene Khristu anawafera).

<sup>67</sup> Ndi chifukwa chake minda ya umishonare ili pa mtima panga. Inu muli nawo atumiki odabwitsa kuno mu Phoenix, ndi kozungulira konse ku United States ndi malo, mipinga pa ngodya iliyonse, amuna aakulu a Mulungu, misonkhano ya machiritso, amuna otchuka monga Oral Roberts ndi amuna ena otchuka, akulalikira. Ndipo kuli anthu kutsidya uko, akufa masauzande tsiku lirilonse, amene sanamvepo konse za Dzina la Yesu. Anthu achikuda osauka aang'ono, osasamba, anjala, kutali uko mu Afrika ndi uko ku India, ana aang'ono atagona pa msewu, akufa, osadziwa nkowme chimene "Mulungu" amatanthauza. Ndiyeno ife nkumatsutsana za kusiyana kwathu pang'ono kwa chikhulupiro cha chipembedzo. Oh, izo si zolondola ndendende basi (ine sindikuganiza, amzanga), ngati ziri pa mtima wanu kuti muwone izo.

<sup>68</sup> Tsopano, zindikirani mkazi wamng'ono wosauka uyu, atatha kuyang'ana pa zenera ndipo anawona kuti kunali pafupi kucha, sankadziwa chomwe chinali kumuyembekezera. Iye ankaganiza kuti inali imfa kwa iye ndi mwana wake wamng'ono. Chotero ine... Iye ali m'tulo, tiyeni tingomuyang'ana iye kwa mphindi zingapo. Iye akupita, iye atatha kuperphera, ndipo iye akusisita tsitsi lake laling'ono kulichotsa mmaso mwake, ndipo anati, "Munthu wamng'ono wokondedwa, iwe ukuwoneka mofanana kwambiri ngati adadi ako ofunika, oyera. Momwe iye ankadalira pa Mulungu! Momwe iye anaperekera moyo wake chifukwa cha Israeli, kunja uko kubwalo la nkhondo! Ndipo iwe ukuwoneka mochluluka ngati iye. Ndipo, Wokondedwa, ine sindikudziwa chifukwa chimene osalakwa amavutika ndi olakwa, koma iwo amatero."

<sup>69</sup> Fuko lino, Akristu, adzavutika chifukwa cha kusalungama kwa ndale, adzachititsa fuko lonseli kuvutika.

<sup>70</sup> Tsopano ine ndikukhoza kumuwona iye akulowa ndipo akuti, "Ine ndikonza ka keke kakang'ono tsopano. Ine ndangotsala ndi wokwanira keke imodzi yaing'ono ya—ya mkate wotsala, ndipo pamene ife tidya, ndiye ife tifa." Chotero iye akukalowa mchipindamo, ndipo akutenga ufa kuchokera mu mbiya ya ufa. Ine ndikukhoza kumuwona iye akungoyipukuta iyo ndi dzanja laling'ono, la mafupa, pamene iye akusasa

kathumba kakang'ono kamene unalimo; akukuntha iko, fumbi lirilonse, ndipo potsiriza wangopeza wokwanira kakeke kamodzi; akupita ku nsupa yaing'onoyo ndipo akuinyamula iyo ndipo akukombeza chidutswa chirichonse cha mafuta kuchokera mmenemo, papufupi okwanira nsupuni.

<sup>71</sup> Tsopano, ufa, zinthu zonsezø ziri ndi tanthauzo. Ufa umaimira "Khristu." Khristu anali nsembe-yaufa. Pamene iwo akupera ufa wa nsembe-yoweyula, ya Khristu, amene anali Khristu mu nsembe-yoweyula, mu Chipangano Chakale, iwo ankawupera iwo ndi mtundu winawake wa msere, kuchitira kuti chidutswa chirichonse cha ufa chidulidwe mofanana basi, chifukwa Yesu Khristu ali yemweyo dzulo, lero, ndi kwanthawizone.

<sup>72</sup> Inu mukukumbukira pamene masukulu ena kumeneko sankadziwa kusiyana kwa pakati pa kalingonda ndi nandolo, ndipo anaponyeramo kalingonda mu m'phika wa nandolo, kuti aphike, ndipo iwo anafula mokweza, "Muli imfa mu m'phikamo."

<sup>73</sup> Eliya anatenga ufa wodzaza mdzanja, anauponyera iwo mu m'phikamo, ndipo anati, "Idyani!" Kodi ufawo unachita chiyani? Ufa, mu m'phika, unawusintha iwo kuchokera ku imfa kupita ku moyo; kuchokera ku gwero la imfa kupita ku gwero la moyo.

<sup>74</sup> Ndicho chinthu chomwecho chimene chiri usikuuno, pamene muli imfa mu chotengera chanu. Khristu, ataponyedwa mu chotengera chanu, amakuchotsani inu kuchokera ku imfa kupita ku Moyo. Khristu amapanga kusiyankao. Akabwera mu mtima wa munthu, oh, Iye amaperekwa mtendere umene umapambana kumvetsa. Ndipo komanso Amaperekwa Moyo Wamuyaya, "Iye amene akhulupirira pa Mwana ali nawo Moyo Wamuyaya, ndipo sadzawonongeka konse."

<sup>75</sup> Tsopano, iye analandira ufa, chimene chinkaimira Khristu. Ndipo Khristu ndi Mawu. "Pachiyambi panali Mawu, Mawu anali ndi Mulungu, ndipo Mawu anali Mulungu. Ndipo Mawu anasandulika thupi ndipo anadzakhazikika pakati pathu." Khristu, nsembe ya Ufa! Kenako iye anapita ndipo anakatenga mafuta. Ndipo *mafuta* amaimira "Mzimu." Chotero iye anayika Mawu ndi Mzimu pamodzi, ndipo anayamba kuzisakaniza Izo.

<sup>76</sup> Oh, chinachake chiyenera kuchitika pamene izo zikuchitika! Mulole ukhale usikuuno umene Mawu amene ine ndikulalikira ati agwere mu mtima mwanu. Ndiye mulole Mzimu Woyera ulowe mmenemo ndipo uyambe kusakaniza Izo. Muwone chimene chingachitike pamene inu muyika Mawu ndi Mzimu pamodzi! Yesu anati kwa mkazi wa pa chitsime, "Mkazi, ine ndikukuza iwe, nthawi ikudza, ndipo tsopano ilipo, pamene Mulungu akufuna kupembedzedwa mu Mzimu ndi mu Choonadi." Ndipo Iye ali Choonadi.

<sup>77</sup> Ufa, taonani zimene iye anachita, iye anasakaniza Mawu ndi Mzimu pamodzi. Anthu ambiri amakhala ndi Mzimu opanda Mawu, ena amakhala ndi Mawu opanda Mzimu. Koma inu mutenge, muziyike Izo zonse molondola m'malo mwawo, keke ikubwera panjirapo! Pali chinachake chimene chikubwera.

<sup>78</sup> Mkazi wamasiye wosauka sankadziwa chimene iye anali kuchita, koma Mulungu anati kwa Eliya, "Ine ndamulamulira iye."

<sup>79</sup> Ndipo Eliya ali panjira yake pa miyala oyala, akubwera pansi kuti adzawone masomphenya ake akukwaniritsidwa kwinakwake. Ndipo apa iye wayima pamenepo, misozi yomwe iye akupukuta ndi manja ake akale, ndipo akuti, "O Yehova Mulungu, chikhulupiro changa sichinayambe chalepherapo, ndipo sichidzalephera. Mwanjira ina kapena imzake, sindikudziwa kuti zonse ziriz bwanji, koma ife timaphunzitsidwa kuti zinthu zonse zimagwira ntchito limodzi kuti zikhale zabwino." Iye anali akusakaniza ufa pang'ono uwu, iye anakonza keke yaing'onoyo ndipo anaikonza. Iye anati, "Tsopano ndi nthawi yoti ine ndipite ndikatenge nkhuni zina." Iye akubwerera ndipo akukatsegula chitseko, ndipo anati, "O Ambuye, kamimba kakang'ono kosauka kanjala kamene kagona apoko, ndipo ine sindinadye kwa masabata awiri kapena atatu. Ine ndimpatsa iye chidutswa cha keke yanga."

<sup>80</sup> Ameneyo ndi mayi, chikondi cha mayi kwa mwana wake, palibe chonga icho, chikondi cha Mulungu chokha: "Mayi akhoza kuiwala mwana wake woyamwa, koma Ine sindingakuiwaleni inu. Maina anu analembedwa mu zikhatho za manja Anga." Zingatheke bwanji kuti Iye akuiwaleni inu? "Ine sindidzakusiyani konse inu, kapena kukusiyani konse. Ine ndidzakhala ndi inu nthawizonse, ngakhale mpaka kumalekezero a dziko lapansi."

<sup>81</sup> Kumeneko iye akuyang'ana pa mwana wake, mwinamwake iye anabwerera mmbuyo ndipo anadzapsyopsyona pa mphumi yake yaing'ono. Kaya ngati iye ati akakomoke ndi kukafera panja. Iye akutuluka panja. Zikungoyamba kukhala ngati... . dzuwa likuyamba kutuluka pamwamba pa mapiri a Yudeya. Ndipo iye akuyang'ana pa dzuwa likuyamba kusuzumira mmwamba. Kutsika mu msewu iye akumva kutukwana ndi kumapitirira. Ndipo iye akutuluka panja pabwalo ndipo, zindikirani, iye akutola nkhuni ziwiri (osati mtolo wapa nkono), nkhuni ziwiri. Ndi chiyani chimenecho? "Mtanda."

<sup>82</sup> Tsopano, aliyense amadziwa, aliyense wa amzanga Achimwenye pano amadziwa, kapena mlenje aliyense, njira yolondola yoyatsira moto kuti ukhale wokhalitsa, ndi, kuwoolutsa nkhuni ziwiri, zipika ziwiri, nkuziyatsa izo pakati pomwe, ndipo nkumangosonkhezera kumapeto kwake. Izo zimakhala usiku wonse. Nthawi zambiri ine ndagonapo mchipululu, ndi nkhuni ziwiri osati zazikulu kuposa izo, ndipo nkuwothera usiku wonse.

Basi zongokwanira kuti utenthedwe, kumangozipitsa pakati pomwe pa izo.

<sup>83</sup> Tsopano kodi iye achita chiyani? Ayatsa nkhuni ziwiri izi. Ndipo Mawu ndi Mzimu zabweretsa nsembe ya wekha pa mtanda, kukonzekera ntchito, kukonzekera moyo. Kuyika Mawu ndi Mzimu, ndicho chikhulupiro chake mu Mawu a Mulungu mwa Mzimu Woyer, kudzitsogolera yekha kukapereka china chirichonse ku Mtanda. Ndipo pamene iye anatola nkhunizo pansi pa nkono wake, ziwiri za izo, ndipo nayamba kumabwerera, iye anayamba kubwerera, ndipo pameneopo panamveka mawu kuchokera pachipata, “Dona.”

<sup>84</sup> Zisanachitike zimenezo, wokalamba, mwinamwake wamutu wadazi, ndi imvi zikulendewera pa ndevu zake, ndi tsitsi lake likulendewera pansi, ali ndi ndodo yaying’ono mdzanja lake, chikopa chakale cha nkhosa kapena chinachake chitakulungidwa pa iye, akuyenda mu msewu, akuti, “Ambuye, ndi mpanda wina wawung’ono woyer. Kukakhala mkazi wachichepere wowoneka bwino” (iye ayenera kuti anali wamng’ono, mnyamatayo anali wamng’ono) “panja pabwalo. Inu munandiua ine kuti ameneyo akhala mkazi wamasiye yemwe azindidyetsa ine. Tsopano, kodi iye ali kuti? Ine ndipitirira kumayenda.” Mzimu umamutsogolera iye njira *iyi*, kenako nkumutembenuza iye. Oh, ndi zodabwitsa kwambiri pamene ana a Mulungu akutsogozedwa ndi Mzimu wa Mulungu. Ziribe kanthu momwe zingamvekere zopusa, iwo amatsogozedwa! Iye akupita... Iye akupita mu msewu wina ndi kukwera umzake, kutsika msewu wina ndi kukwera umzake.

Patapita kanthawi, Mzimu unati, “Yang’ana kumanja kwako.”

<sup>85</sup> Ndipo iye akuziyang’ana izo mozungulira monga *choncho*, chimodzimodzi monga momwe Iye amachitira pano pa nsanja, usiku ndi usiku. Oh, Mulungu akadali yemweyo! “Yang’ana kumanja kwako, kumanzere kwako, pali winawake akupemphera yemwe akufuna zimenezo.”

<sup>86</sup> Ndipo iye anayang’ana kumanja kwake. “Akuti, kuli mpanda wawung’ono woyer. Ndiko kulondola basi. Ine basi sindisuntha kuchoka pano, chifukwa pali mtengo wakale waima apo. Ndipo pali chirichonse monga momwe ine ndinawonera m’masomphenya.” Chitseko chikutseguka ndipo mkazi wochepa thupi akutulukira.

<sup>87</sup> Tsopano, kumbukirani, iye akungokatola nkhuni ziwiri. Iye sakankhoza kutola zitatutu, zimatengera ziwiri kuti upange Mtanda. Iye anatola nkhuni ziwiri ndi kuziyika izo pa nkono wake ndipo anawuyamba wobwerera, akuganiza, “Ine ndikakonza kakeke kakang’onoko mwana akadzuka. Ndiyeno ine ndidzamudyetsa iye, ine sindidya iliyonse ndekha. Ndipo ine ndidzamuyika mnyamata wanga wamng’onoyo m’manja

mwanga, ndipo tidzakhala pamenepo nkufa.” Ndipo iye anayamba kulowa m’nyumba.

<sup>88</sup> Iye anamva liwu lachilendo pa geti, anati, “Mkazi, kodi ungandibweretsere ine madzi pang’ono mu chotengera?”

<sup>89</sup> Ndipo iye anapotoloka, ndipo iye anaganiza, “Apo paima bambo wina wachikulire wachifundo pa geti.” Iye anayang’ana pa iye mwacheru kwenikweni, ndipo mwinamwake anapukuta misozi m’maso mwake, kunali kukadali molawirira apobe. Inu mukudziwa, Mulungu amachita zinthu zachirendo kwambiri. Iye anali wololera kupanga nsembe. Madzi anali chinthu chosowa, inali isanavumbe kwa zaka zitatu ndi miyezi sikisi.

<sup>90</sup> “Kodi iwe ungandibweretsere ine...” Mwinamwake Mulungu anamuza iye kuti anene zimenezo, kuti awone chimene iye akanati achite, kumuyesa momwe iye angachitire. “Kodi ungandibweretsere ine madzi akumwa pang’ono mu mtsuko?”

<sup>91</sup> Ndipo iye anayang’ana pa iye. “Iye akumveka mosiyana. Pali chinachake chokhudza munthu wachikulire chimene ine ndimachimvera chisoni.”

<sup>92</sup> Wokhulupirira aliyense mwa Mulungu amagawana ndi mzake kamene katsalirako. Inde. Ndicho chinthu chimodzi chokhudza anthu Achipentekoste, iwo amapereka malaya kuchita kuwavula pa nsana wawo, pa Cholingacho. Uko nkulondola. Ndi chowonadi. Ndicho chinthu chopambana, chimodzi mwazinthu zopambana ndi iwo. Iwo ndi opereka kwambiri mu dziko, chifukwa iwo amadziwa kuti zinthu zapadziko lapansi lino ndi za chabechabe. Iwo amayika chuma chawo Kumwamba, chifukwa iwo akupita kumeneko ena a masiku awa.

<sup>93</sup> Ndipo chotero mkazi uyu, iye anati, “Ine ndingogawa madzi anga. Ife tikufa, ndiye ine ndipereka madzi akumwa, ndipo ndipereka iwo kwa njonda yachifundo yachikulire yaima apoyo, chifukwa iye akuwoneka waludzu ndi wotopa.” Iye anati, “Ine ndibweretsa iwo.” Ndipo iye anayamba kuyenda.

<sup>94</sup> Ndipo kachiwiri anamva liwu likuti, “Ndipo mdzanja lako linalo, kodi ungandibweretsere ine kamkate pang’ono?” Oh, mai! Tsopano, tsopano chiyani?

<sup>95</sup> Chiyembekezo chake chomaliza cha moyo wa mwana wake. Chiyembekezo chotsiriza chimene iwo anali nacho, ndipo mkate ukhala kuti watha, mafuta akhala kuti atha, chirichonse chikhala kuti chatha tsopano. Koma iye anayang’ana m’mbuyo, ndipo iye anadabwa. Iye anati, “Ine ndangotsala ndi ufa pang’ono m’mbiya. Ine ndangotsala ndi mafuta okwanira basi kuti ndinyowetse nawo iwo, ndipo ine ndakonza kale, kapena, ndasakaniza izo. (Ine ndasakaniza Mawu ndi Mzimu mmenemo pamodzi. Ine ndiri ndi Mtanda apa woti ndikhazikepo iwo, kuti ndipange ikhale keke kuti ipereke Moyo.)” Ndipo ndi

pamene Mzimu ndi Mawu zifika pamodzi, pa Mtanda, izo zimakupangirani inu mtanda wa Moyo. Izo nzoona. “Ndipo ine ndaziika izo pamodzi, ndipo ine ndikulowa tsopano kuti ndikaphike iwo, ndipo ndikamupatsa mnyamata wanga wamng’ono mmenemo, amene walira usiku wonse kufuna chinachake choti adye, ine—ine ndiyenera ndimupatse iye iwo. Ine ndipereka nsembe yanga ndipo ine—ine ndipereka iwo kwa iye. Ndipo ndikatero ndidzamunyamulira iye m’mikono yanga, ndipo ife tonse tidzakhala tikuyembekezera imfa.”

<sup>96</sup> Iye anati, “Koma, iwe undipangire ine imodzi yaying’ono, poyamba.” Kodi zimenezo sizodabwitsa kuti mwamuna angamufunse mkazi wamasiye, akufa, ufa womaliza umene iye anali nawo m’nyumbamo, ali ndi mwana amene akufa? Mulungu amachita zinthu zachilendo kwambiri! Anati, “Ndipangirenini ine wawung’ono, poyamba!”

<sup>97</sup> Iye anaphunzira, “Inu mukudziwa, Baibulo limanena kuti ife tachereza alendo. Ife tachereza alendo, iwo anali angelo, osadziwa zomwe ife tinali kuchita.” “Chabwino,” iye anati, “Ine ndichita zimenezo.”

<sup>98</sup> Ndipo pamene iye amapotoloka, iye anati, “Za...” Oh, mai. Ndi chimenechotu, chitonthozo chachikulu chimene wokhulupirira aliyense anayamba wachimvetserapo, “Kuti, PAKUTI ATERO AMBUYE!” Ndiwo Mawu amene iye ankawayembekezera. “PAKUTI ATERO AMBUYE, ‘Mbiya siidzatha, ngakhale nsupa siidzauma, kufikira tsiku limene Mulungu adzagwetse mvula padziko lapansi.”

<sup>99</sup> Kodi ife tikupezapo chiyani pamene? Yambani mwathanga Ufumu wa Mulungu, ndi chirungamo Chake, zina zonse zidzawonjezeredwa. “Kodi ine ndidziwa bwanji, M’bale Branham? Kodi ine ndidziwa bwanji?” Chinthu chokhacho chimene ine ndikuchidziwa, mumuike Mulungu patsogolo nkumapitirira patsogolo. Nsembe! Sakanizani mafuta, sakanizani—Mawu ndi Mzimu pamodzi, mudziike nokha pa Mtanda, ndi kunena kuti, “Ndine pano, Ambuye.” Muzimuika Mulungu patsogolo pa chirichonse!

<sup>100</sup> “Kuti, PAKUTI ATERO AMBUYE, ‘Mtsuko sudzauma, ngakhale nsupa siidzatha, kufikira tsiku limene Yehova Mulungu adzavumbitsa mvula padziko lapansi.’” Iye anadziwa, pamene, ameneyo anali mneneri wa Mulungu akuyankhula kwa iye. Oh, momwe mtima wake uyenera kuti unalumphya! Iye anathamangira mkatı ndipo anakapanga mkatı waung’ono uja ndipo anawubweretsa iwo kwa iye, ndi madzi, manja akunjenjemera pa masaya okalamba olowa-mkatı awo, iye anadziwa kuti Mulungu anali atabwera kuti adzamupulumutse, pa kachidutswa kakang’ono ka mkatı.

<sup>101</sup> Oh, inu mungotenga lonjezo limodzi laling’ono ilo la Mulungu, ndi kukonza chirichonse, ndi kuchokapo pa njira,

mudzawone chimene chiti chidzachitike! Mudzatenge mtima umenewo...kusakhulupirira kudzakhale kutali ndi iwo. Mudzangotenga kachikhulupiro kakang'ono ako kamene inu muli nako, ndi kudzakayika iko pa Mtanda, ndi kuti, "Izi ndi zonse zimene ine ndiri nazo, Ambuye. Tengani izi"; mudzapenyē kusinthako, "PAKUTI ATERO AMBUYE." Oh, Iye ali basi yemweyo lero monga Iye nthawizonse anali. Ndicho chimene iye ankachiyembekezera.

<sup>102</sup> Mwinamwake zikuwoneka za mdima woyipa tsopano, koma, inu mukudziwa, nthawizina ife timaphunzitsidwa (ndipo ine ndinalalikira pa izo usiku wina) nthawizonse kumakhala mdima kwambiri kusanache. Ndi pa ora lamdima kwambiri la usiku pamene nyenzezi ya m'mawa imawala, iyo ikunyezimirtsza kudza kwa duwa.

<sup>103</sup> Mu Germany ali ndi chithunzi, iwo amachitcha icho kuti "Mtambo" chithunzi. Ndicho—ndicho chopikisana'ku chithunzi chachikulu ichi cha pa mtanda pa...ku Forest Lawn mu Los Angeles (chithunzi chachikulacho ndi chotambalala ngati nyumba iyi ili kutsidyako, iwo anachita kumanga nyumba kuzungulira chithunzicho; ambiri a inu munachiwonapo icho). Koma izi ku Germany zimatchedwa, "mngelo..." kapena, "Tsiku la Mtambo," ndikukhulupirira kuti limatchedwa. Ndipo pamene iwe uchoka pa chidutswacho ndi kuchiyang'ana icho, oh, icho chimawoneka chowopsyia, chimawoneka ngati mitambo yokwiya ikusakanizikana mozungulira wina ndi umzake, monga choncho, pamene kuwala kukunyezimira pa iyo. Ndipo zimawoneka ngati mitambo ikuyenda, momwe chithunzicho chinapangidwira kuti chizinyezimirtsza kuwala, kuchipanga icho kuti chiziwoneka ngati mtambo, namondwe waukali akubwera kudzawononga chirichonse. Ndiyeno iwe umauzidwa ndi namulondola, "Yendani moyandikira, ndipo muzingoyang'ana izo." Ndipo pamene iwe uyandikira pafupi kwenikweni kwa icho, icho si mitambo, ndi mapiko a angelo akuwombana pamodzi, akusangalala. Ndi mdalitso mozimbaitsa.

<sup>104</sup> Mwinamwake matenda anu usikuuno, mwinamwake nsembe yanu yoti mubwere kuno, inali mdalitso mozimbaisa. Angelo a Mulungu ali pano, alipo, kuti adzalamikizitse mapiko awo pamodzi ndi kusangalala, chifukwa zinalembewa mu Lemba, kuti, "Angelo a Kumwamba amasangalala pamene wochimwa mmodzi walapa." Taganizani pa zimenezo. Kuti, PAKUTI ATERO AMBUYE, Yesu Khristu ali yemweyo dzulo, lero, ndi kwanthawizonse. Chisomo chake simungachimalizitse. Ndipo Iye ndi wokonzeka kukupatsani inu chirichonse chimene mitima yanu ikuchifuna.

<sup>105</sup> Tsopano tiyeni ife tipemphere kwa mphindi, pamene ife tiri ndi mitu yathu yoweramitsidwa mu pemphero. Ndipo ine ndikuyembekeza kuti inu mukhalabe mu chikhalidwe

cha pemphero. Kodi alipo winawake pano tsopano (ndi maso anu otsekeda ndi mitu yanu yoweramitsidwa ku fumbi kumene inu munatengedwako; ndipo, ngati Yesu achedwa, inu mudzabwerera ku fumbi) ndipo inu simunapulumutsidwe, kodi inu mungangokweza dzanja lanu mochuluka *chomwecho*, ndi kuti, “M’bale Branham, moyo wanga wakhala uli womvetsa chisoni, nawonso, ndipo ine sindinapulumutsidwe. Mundikumbukire ine mu mapemphero anu usikuuno, M’bale, ine ndikukweza mmwamba dzanja langa”? Kodi munthu ameneyo ali muno, mnyamata, mtsikana, mwamuna kapena mkazi, yemwe sanapulumutsidwe? Ine sindikufunsani inu mopitirira, kungokweza dzanja lanu tsopano koteru kuti ine ndikhoze kukupemphererani inu.

<sup>106</sup> Kumanja kwanga, Mulungu akudalitseni inu, Mulungu akudalitseni inu, Mulungu akudalitseni inu, ndi inu, ndi inu. Kwinakwakenso, kumbuyo komwe kumbuyo, penapake apa mkanjira kapakati, ingokwezani mmwamba dzanja lanu. Palibe amene akuyang’ana, mungondilola ine ndi Mzimu Woyera kuti tichite kuyang’ana uku. Tsopano, Mulungu akudalitseni inu, Mulungu akudalitseni inu. Ndizo zabwino.

<sup>107</sup> Winawake mmipita yapakati, kwezani mmwamba dzanja lanu, nenani, “M’bale Branham, sindine Mkhristu. Ine—ine ndawupitkitsa Mzimu Woyera kutali kwambiri ndi ine mpaka Iye samandivutitsano ine kenanso. Koma, kwenikweni, ine ndikudziwa kuti ndikulakwitsa. Ine ndikudziwa kuti sindinabadwenso mwatsopano mwa Mzimu Woyera. Ine ndikudziwa kuti ine—sindine woyenera. Ine ndiribe chirichonse... Ine sindinavomereze zinthu zanga zonse. Ine sindinakwaniritse zofunikira zonse za Mulungu.”

<sup>108</sup> Mwinamwake inu mukudwala. Izo sizichita ubwino uliwonse mpaka inu mutakwaniritsa zofunikira za Mulungu. “M’bale Branham, ine ndavomereza Chikhristu kwa nthawi yaitali, koma kwenikweni ine nthawizone ndakhala ndikukaikira machiritso Auzimu. Ine—ine ndakhala momangodabwa ngati Mzimu Woyera uwu unali wolondola.” Oh, mlongo wokondedwa, kapena, m’bale wokondedwa, inu simungakhoze nkomwe kupeza kalikonse kwa Mulungu monga choncho. Ayi. Inu muyenera kukwaniritsa chosowa chirichonse, ndiyeno mukhale otsimikiza kuti inu mwakonzana ndi Mulungu. Mukatero mudzatenge lonjezo Lake ndipo mudzagwiritsé kwa ilo.

<sup>109</sup> Kumanzere kwanga, kodi kungakhale aliyense kumeneko? Ena a inu achinyamata kumbuyo uko, mochuluka basi, ngati inu simuli Mkhristu, kwezani dzanja lanu ndi kunena kuti, “Ndikumbukirenii, M’bale Branham.” Mulungu akudalitseni inu, ine ndikuwona manja anu, kumbuyo komwe mkati, kumbuyo mmbuyo, ine ndikukuwonani inu, dona; kumbuyo

kuno, eya. Kumeneko, cha apa, inde, mtsikana wamng'ono. Eya, eya Ambuye akudalitseni inu nonse pamenepo. Ndizo zabwino.

<sup>110</sup> Tsopano, ine ndinakulonjezani inu kunja kuno ndizo zonse zomwe ine ndikanati ndikufunseni inu, kuti mungokweza manja anu. Tsopano ife tikupemphera. Ndipo ife tisanachite izi tsopano (titatha kuwapangitsa ochimwa kukweza manja awo, ena twente kapena sarte), ndi angati akudwala, mungakweze dzanja lanu ndi kunena kuti, "Ndikumbukireni ine, M'bale Branham, mu mapemphero anu, kuti Mulungu andichitire ine chifundo ndi kundichiritsa ine"? Ine ndikuganiza alipo thuu handiredi, kapena kupitirirapo, a iwo. Chabwino.

Tiyeni ife tipemphere.

<sup>111</sup> Atate athu Akumwamba, ndi chachisomo kwambiri kubwera kwa Inu ndi zopempha izi. [Malo osajambulidwa pa tepi—Mkonzi]. "...ndipo kwa Ine, Ine ndine Mlenji wanu." Ndipo iwo anakweza mmwamba dzanja lawo, ndiye izo zikusonyeza kuti Mzimu ndi wawukulu kuposa sayansi. Atate, Inu munati, "Palibe munthu angakhoze kubwera kwa Ine, kupatula Atate Anga atamukoka iye poyamba. Ndipo onse amene adza kwa Ine, Ine ndidzawapatsa iwo Moyo wosatha." Tsopano iwo ndi Anu, Ambuye. Apatseni iwo Moyo, pakali pano, pamene iwo akhalapo mmipando yawo. Mulole iwo akhale nawo Moyo Wamuyaya. Mulole Inu mudzawaukitse iwo pa tsiku lotsiriza, mudzawapereke iwo kwa Atate Mulungu wa Kumwamba ngati ngale mu korona wa Mpingo. Perekani izi, Atate.

<sup>112</sup> Ine ndikuwapempherera awa amene akudwala ndi osautsika. Ambiri anakweza mmwamba manja awo usikuuno, chifukwa chakuti iwo anawona kuti mkazi yemwe ankamusowa Mulungu kwenikweni; iye anawawona maora ofunikira awo akubwera. Mosakayikira alipo ambiri akhala pano mwanjira yomweyo, amene ayenera kufa, koma Mulungu anawalamulira kale aneneri Ake, ndipo chirichonse chiri bwino. Izo zidzagwira ntchito bwino. Ngati iwo akutsimikiza kuti chirichonse chiri bwino, ndiye iwo ali otsimikiza za Mulungu. Iwo akutsimikiza kuti Iye amasunga lonjezo Lake. Ndiye, Atate, ife tikupemphera kuti Inu muchita nawo iwo usikuuno, ngati ana Anu okondedwa, odwala; ndipo muchiza zosautsa zawo, ndipo muwapatsa iwo mphamvu ndi chisomo ndi chikhulupiriro. Mutero, Atate.

<sup>113</sup> Adalitseni atumiki onse omwe ali pano usikuuno, aneneri Anu ofunikira. Ife tikupemphera kuti inu muwadzoze iwo, Ambuye, ndipo mulole iwo akhale omwe ati adzadalitse nyumba za anthu awa, kuti kukakhale Mkate wa Moyo mnyumba zawozo utali wonse umene iwo ali moyo. Mulole nsupa yawo isakawume, kapena mmadengu musakakhale mopanda kanthu. Mulole mukakhale mkate wauzimu mu mpingo uliwonse kudutsa mdziko lino, Ambuye, zomwe zidzadyetse anjala omwe ali osowa. Perekani izi, Ambuye.

<sup>114</sup> Ife timakukondani Inu. Ndipo ife tikudziwa kuti Inu munatikonda ife poyamba, pakuti pamene ife tinali tikadali ochimwa, Khristu anatifera ife, Wosalakwa chifukwa cha ochimwa, kuti adzakhale chitetezero cha machimo athu, kukatiyanjanitsanso ife kwa Mulungu; pamene ife tinali otayika ndi wosakonzedwa, opanda Mulungu kapena Mwana Wake, kuchokera mmunda wa Edeni, kuchokera ku zolakwa za makolo athu zinatibweretsa ife mu chisokonezeko cha tchimo. Ndipo Yesu anatikonda ife kwambiri mwakuti Iye anabwera mwa chifuniro cha Mulungu ndipo anadzatiwombola ife kuti tibwerere kwa Mulungu, kudzera mu nsembe ya moyo Wake womwe pa Kalvare. Zikomo Inu, Atate, chifukwa cha ubwino wanu wonse.

<sup>115</sup> Ife tikukhala mu mithunzi ya nthawi yotsiriza. Pakhoza kusadzakhala mawa usiku. Ine sindikudziwa, Ambuye, izo ziri ndi Inu. Koma pamene kukadali kotheka kuti ena akhoza kulowamo usikuuno, Atate, ine ndikupemphera kuti Inu mutumize Mzimu Woyeria.

<sup>116</sup> Inu munati, "Monga izo zinali mmasiku a Sodomu, chomwechonso izo zidzakhala mu kudza kwa Mwana wa munthu." Mmasiku a Sodomu, iwo anali ndi magulu atatu a anthu: wochimwa, membala wofunda wa mpingo, ndi Wosankhidwa (oyitanidwa atuluke); Achisodomu, ndi a Loti, ndi a Abrahamu (oitanidwa atuluke mdziko). Achisodomu analandira atumiki awiri ndi uthenga wopambana. Ndipo gulu la Abrahamu linalandira chizindikiro, ndipo chizindikirocho chinali Munthu ali fumbi pa zovala Zake, Yemwe ankamudziwa Abrahamu, pokhala mlendo; anamudziwa mkazi wake, Sarah, yemwe dzina lake linali; ndipo, anamuuya Abrahamu, atatembenuzira nsana Wake ku hema kumene Sarah anali, "Nchifukwa chiyani iye anaseka?" O Mulungu, mulole mpingo udzuke ndi kuwona! Monga Yesu ananena, "Monga izo zinali mmasiku a Sodomu, chomwechonso izo zidzakhala ziri pa kudza kwa Mwana wa munthu." Mulungu yemweyo akanadzawonekera mthupi la Mpingo Wake, ndipo akanadzawonetza chizindikiro chomwecho. Perekani izi, Ambuye, kachiwiri usikuuno. Ife tikupempha mu Dzina la Yesu. Ameni.

Ndimkonda Iye, ndimkonda Iye

Tsopano tingomupembedza Iye mokoma mu Mzimu.

Chifukwa Iye anayamba kundikonda ine  
Nandigulira chipulumutso changa  
Pa mtengo wa Kalvare.

<sup>117</sup> Oh, utatha uthenga, kodi simukumva kuti mwakandidwa paliponse? Basi Mzimu Woyeria ukungotsuka mtima wanu ku kusakhulupirira konse, kukuikaninso inu mu njira ndi Mulungu kachiwiri. Oh, ino ndiyo nthawi yomupembedza

Iye. Uthenga watha, chotero tiyeni tingomupembedza Iye mu nyimbo iyi, pamene ife tikuyimba *Ndimkonda Iye*. Aliyense, mwakachetechete ndi mokoma tsopano. Tsekani maso anu ndipo muzingoyang'ana ndi maso anu auzimu kwa Iye, muziyang'ana zimene Iye anamuchitira wamasiye uja. Ndinu okondedwa kwa Iye monga mkazi wamasiye uja, Iye wasunga moyo wanu, inunso. Kodi inu simukumukonda Iye?

Ndimkonda Iye, ndimkonda Iye  
Chifukwa Iye anayamba kundikonda ine  
Nandigulira chipulumutso changa  
Pa mtengo wa Kalvare.

Msing'anga mkulu tsopano ali pafupi,  
Yesu wachifundo;  
Amayankhula kwa mtima wokhumudwa  
nawusangalatsa,  
Palibe dzina lina koma Yesu.

Mawu okoma kwambiri mu nyimbo ya aserafi,  
Dzina lokoma pa lirime lachivundi,  
Nyimbo yokoma yoyimbidwapo,  
Oh, Yesu, Yesu wofunika.

<sup>118</sup> Pamene iye akuiyimba iyo pa limba, mofewa. [M'bale Branham akung'ung'usa *Msing'anga Wamkulu*—Mkonzi]. Ndikamva nyimbo imeneyo, imabweretsa chinthu chimodzi kwa ine. Kale ku Ft. Wayne, Indiana, kunali mtsikana wamng'ono wachi Dunkard atakhala, akuimba limba. Iye sanali wa Chipentekoste, koma iye anali ndi tsitsi lalitali lokongola kumbuyo kwake. Ndipo ine ndimati ndipempherere odwala, ndipo woyamba mu mzerewo anali mnyamata wamng'ono, iye anali wolumala, vuto la poliyo. Ndipo ine ndinamunyamula mnyamata wamng'onoyo kuchokera mmanja mwa mlongoyo, ndipo ndinamugwira mnyamata wamng'onoyo, ndipo ine ndinati, “Zoonadi, Sing'anga wamkulu ali pano, amadziwa zinsinsi za mitima yonse.”

Ndipo ine ndinati, “Inu mukukhulupirira zimenezo?” kwa gulu la anthu masauzande angapo.

<sup>119</sup> “Inde,” iwo onse anakhulupirira zimenezo. Koma iwo anali ngati akudziletsa, unali usiku woyamba wa msonkhano, ndipo iwo anali... Uthenga unali wovuta kwa iwo kuti awumvetse.

<sup>120</sup> Ndipo ine ndinati, “Kodi inu mukukhulupirira kuti Ambuye Yesu akhoza kundiiza ine yemwe mnyamata wamng'ono uyu ali, ndi dzina lake ndani? Kodi inu mungakhulupirire? Kodi uyo angakhale Mngelo yemweyo amene anakomana ndi Abrahamu, yemwe ankadziwa zimene Sarah... Kodi angakhale Yesu yemweyo amene anamudziwa Nataniele pamene iye anabwera, yemwe anamudziwa Petro ndipo anamutcha iye dzina lake, anamuua mkazi wa pachitsime, ndi zinthu zonse izi?

Kodi ameneyo angakhale Yesu yemweyo?” Iwo onse anakweza mmwamba manja awo, iwo ankaganiza kuti izo zikanadzakhala.

<sup>121</sup> Ndipo Mzimu Woyeru unayamba kuwulula izi. Ndipo, pamene Iye anatero, mnyamata wamng’onoyo analumpha kuchokera mmanja mwanga, anathamangira pansi ndipo analumpha kuchoka pa nsanja. Mayiyo anakomoka pampando atakhala kutsogolo kwa mnyamata wamng’onoyo. Ndipo mnyamata wamng’onoyo akuthamanga chokwera ndi chotsika. Mtsikana wachi Amish, kapena Dunkard anali, akuimba limba, iye anasanduka woyeru kwenikweni, analumphira mmwamba mkatı—mkatı mwa msonkhano, ndipo tsitsi lake linadzagwera mmbuyo mwake. Iye anali atavala diresi yoyeru. Iye ankawoneka ngati mngelo. Ndipo anayamba kuyimba izo mu malirime osadziwika. Ndipo, pamene iye anatero, limbalo silinaphonye batani, kumayimba:

Msing’anga mkulu tsopano ali pafupi,  
Yesu wachifundo;  
Iye amayankhula ndi mitima yolefuka kuti  
isangalale,  
Palibe dzina lina koma Yesu.

<sup>122</sup> Anthuwo anasonkhana mozungulira guwa lansembe, ndipo akulira ndi kumagwa mmipita, ndipo akukuwa “Mulungu ndichitireni ine chifundo!” Oh, unali msonkhano wotani kumeneko!

<sup>123</sup> Msing’anga wamkulu uja akadali pano. Iye sanalephere. Iye sangakhoze konse kulephera. Tsopano, ndi angati muno akukhulupirira zimenezo, mwaulemu, ndi mtima wanu wonse, ndipo inu muli pano usikuuno ndi ziyembekezo zakuchiritsidwa mu mphamvu ya Mulungu?

<sup>124</sup> Ngati alipo aliyense mchipinda muno yemwe ine ndikumudziwa, kunja kwa awa pomwe pano, anyamata awa akhala apawa, atatu a iwo omwe ine ndinayankhula nawo tsiku lina pa kuyankhulana, ochokera ku Arkansas; M’bale Pat Tyler, yemwe ali chigawenga chotembenuzidwa; M’bale Williams wakhala pomwe apo; ndi momwe ine ndingathere... ndi M’bale Gene Goad, mzanga, wakhala pomwe pano. Ndipo ine ndikuganiza ndiwo onse amene ine ndikuawawona mchipinda muno omwe ine ndikuadziwa panthawi ino, koma mwanjira iyi ine ndikuadziwa anthu awa akhala pano.

<sup>125</sup> Tsopano, ine ndaimapo ndi Korani mdzanja limodzi, ndi Baibulo linalo, pamaso pa zana chikwi, ndi kunena kuti “limodzi liyenera kukhala lolondola, ndipo linalo labodza.” Ndipo chipembedzo cha Chikhristu ndi chimodzi chokhacho mwa zipembedzo zonse; ndipo a Full Gospel ndi gulu lokhalo pakati pa iwo limene likhoza kutsimikizira kuti Yesu Khristu akadali moyo. Ena onse a iwo ali ndi zaumulungu, ndipo iwo amakuuzani inu za izo, “Ife tiri ndi zowerenga maganizo

zochuluka basi.” Achi Mohammedan amati, “Ife tiri ndi zowerenga maganizo zochuluka basi. Ife tikhoza kufuula mokweza basi pa mneneri wathu momwe inu mungathere pa Yesu wanu. Koma mneneri wathu sanatilonjeze ife kalikonse. Yesu wanu anakulonjezani inu kuti Iye adzauka kwa akufa, ndipo zinthu izi zimene Iye ankachita inu mukanadzazichitanso chifukwa Iye akanadzakhala mwa inu. Tsopano inu mumanena kuti mneneri wathu anafa, kunja uko mmanda, ndipo inu muli naye Yesu wowukitsidwa. Tiyeni ife timuwone Iye akuchita.” Iwo adzaika...osatero...

<sup>126</sup> Inu mutha kusewera pano ndi ena a azaumulungu awa, pa mawu ena achi Griki kapena chinachake chimene nonse mwasokonezeka za inueni, koma inu musadzayesere konse kudzazibweretsa izo ku chiwonetsero ndi ena a anthu amenewo. Inu kuli bwino mukhale ndi zomwe inu mukuzikambazo. Ndipo inu muyenera kumadziwa. Ndi chifukwa chake kumakhala kovuta kupititsako amishonare kumeneko. Iwo amadziwa zimene iwo akunena. Ndipo zingakhale bwino mutamadziwa, chifukwa iwo adzafuna dzanja lanu pa izo.

<sup>127</sup> Koma ndine wothokoza kwambiri usikuuno, kudziwa, amzanga, kuti Yesu wathu (ndi lonjezo lirilonse limene Iye anapanga) ali Choonadi. Ngati ine ndingakhoze kumuchiza aliyense pano, ine ndingachite zimenezo; ngati ine sindingachite izo, ine ndingakhale wachinyengo. Koma ine sindingathe. Koma Mulungu waperekwa mphatso kwa mpingo, imene Iye analonjeza.

<sup>128</sup> Kuti mmasiku a Luther, ife tinkakhala moyo mwa kulungamitsidwa. Mmasiku a Wesley, ife tinkakhala moyo mwa kuyeretsedwa, mpingo unadzakhala mwa apang’ono. Mmasiku a Pentekoste, ife tinakhala moyo kudutsa Ubatizo wa Mzimu Woyerwa ndi kubwezeretsa kwa mphatso. Tsopano ife tiri apang’ono kwenikweni, kudza kwa Mwana wa Mulungu. *Apá* iwo ankakhulupirira mwa chikhulupiriro; *apa* iwo anafuula pansi pa kuyeretsedwa; *apa* iwo anayankhula mmalirime ngati mphatso; koma *tsopano* choimira ndi chenicheni, ndi—chipewa chikubwera pa piramidi, ndipo ndi nthawi yotsiriza, pamene Khristu ndi mpingo Wake ali ofanana kwambiri mpaka iwo udzayitana akufa kuchokera ku Methodisti, Lutheran, ndi onse awo kumbuyo uko, ndipo padzakhala chiukitsiro. Iwo amene anagona mu ulonda woyamba, wachiwiri, wachitatu, wachinai, wachisanu, wachisanu ndi chimodzi, ndi wachisanu ndi chiwiri, adzawuka limodzi la masiku awa, kudzakumana ndi Yesu mu mlengalenga. Ora lafika, abwenzi, Kudza kwa Ambuye kwayandikira.

<sup>129</sup> Ife tikuyang’ana pa Yerusalemu ndipo tikuwona kuti Ayuda anachititsidwa khungu chifukwa cha ife. Mtengo wa mkuyu ukuphukira masamba ake. Iye anati, “Ndi mitengo inayo.” Billy Graham wayambitsa a—chitsitsimutso pakati pa anthu mwadzina. Oral Roberts wayambitsa chitsitsimutso pakati pa

Achipentekoste. Ndipo tsopano Yesu, Mwana wa Mulungu, wabwera kwa wotsalira uyu, kuti akawakokere anthu ku Mwalawapamutu, kuti adzabweretsenso Mwana wa Mulungu, kuti adzachitsirizitse chinthucho ku Kudza kwa Ambuye Yesu. Iye anati, “Monga izo zinali mmasiku a Sodomu, chomwecho izo zidzakhala ziri mu Kudza kwa Mwana wa munthu.”

<sup>130</sup> Ine ndidzatembenuza misana yanga kwa inu, osati kuti muwone. Tsopano, kumbukirani, sanali munthuyo. Munthuyo atakhala pamene po anangokhala kashiamu, potashi, ndi petroleamu, maphulusa sikisitini a mdziko omwe Mulungu anapita, “Psyii!” anawulutsa pamodzi ndipo analowa mmenemo ndipo amakhalamo moyo.

<sup>131</sup> Yesu Khristu anali chinthu chomwecho. Iye anali Mwana wa Mulungu. Iye anali Mulungu wowonetseredwa mu thupi, koma thupi lake linali munthu, Mzimu Wake unali Mulungu. Ndiye Iye analonjeza mmasiku otsiriza kuti Iye akanadzabwera mu Mpingo Wake. “Kanthawi pang’ono ndipo dziko silindiwonanso Ine kenanso; komabe inu mudzandiwona Ine, pakuti Ine ndidzakhala ndi inu, ngakhale mwa inu. Ntchito zimene Ine ndikuzichita inunso mudzazichita.” Mukuona? Tsopano Msing’anga wamkulu uja ali pano.

<sup>132</sup> Iye anati, tsopano, “Chizindikiro cha Sodomu ndi Gomora.” Tsopano, ndi chiyani chimenecho? Taonani mapepala athu, “Amuna ogonana, kupotoza, kwachuluka ndi forte pa handiredi pa zaka teni zapitazo.” Zivomezi mmalo osiyanasiyana, mitundu yonse ya zizindikiro za Kudza. Mpingo ukugwa, nthawi yotsiriza ili pano.

<sup>133</sup> Tsopano Mulungu akusonyeza zizindikiro Zake, nayenso, monga ife takhala tikulalikira. Tsopano, ngati Baibulo ili liri loona, chimene Ilo liri, ine ndiri wokonzeka kufera cholinga chimenecho. Baibulo ndi lowona. Yesu Khristu ali moyo. Ndife Mpingo Wake, wodzazidwa ndi Mzimu Wake, ndiye Moyo Wake uli mwa ife udzabala Moyo womwewo umene Iye anakhala mwa Mwana wa Mulungu, ngati Mzimu Woyerā—Mzimu Woyerā wa Mulungu ukukhala mwa ife.

<sup>134</sup> Kwa ulemelero wa Mulungu ndi chifukwa cha mpingo, ndi chifukwa cha matenda anu, inu amene mukudwala ndi osautsika, khudzani mphonje ya chovala Chake ndipo muwone ngati mungathe kumupangitsa Iye kuti anene kudzera mwa ine, monga wantchito Wake, akuitaneni inu monga Iye anachitira mkazi yemwe anakhudza chovala Chake. Mulole Ambuye apereke izi. Kodi izo zingakupangitseni inu kukhulupirira zazikulu, ndi kulandira machiritso anu? Ndi angati akukhulupirira kuti iwo akhoza kuvomereza machiritso awo ngati Mulungu angakuitaneni inu monga choncho, kapena kumuwona Iye akuitana? Kwezani dzanja lanu. Ambuye apereke izi.

Pitirizani kuimba *Msing'anga Wamkulu*, kodi mutero? Ine ndikumverera kutsogozedwa kuti ndichite zimenezo.

<sup>135</sup> Ine nditembenukira kwa abwenzi anga pano usikuuno kachiwiri, kuti ndingoyang'ana pa inu. Abale, ine sindikuyesera...kwa inu...Mulungu ndi mboni yanga, M'bale David. Monga momwe ine ndithudi ndazifotokozeria zo momveka mokwanira kwa anthu, kuti, si ine. Ine ndiribe chochita nazo izo. Ndine basi...Mulungu ayenera kumugwiritsa ntchito winawake. Iye ndi...Ndipo palibe manja amene ali oyenera, koma Mulungu amawapanga iwo kukhala oyenera. Mwaona, Iye—Iye—Iye amasankha asanaikidwe maziko adziko lapansi, Cholina chake kuti chidzachitidwe, ndipo chiyenera kuchitidwa, icho chiyenera kuchitidwa.

<sup>136</sup> Mpingo udzakakhala kumeneko, wopanda banga kapena khwinya. Chisomo cha Mulungu chidzachita zimenezo. Icho chidzayenera kutero, izo zidzatengera chisomo. Monga Iye anayankhula ndi Abrahamu, pamene Sarah anamukayikira Iye. Chabwino, pomwepo Iye akanamupha; Iye akanamupha Sarah nthawi yomweyo chifukwa chokayikira, chifukwa ndiro tchimo loyipitsitsa lomwe liripo, ndi kusakhulupirira, ndi tchimo lokhalo. Ndipo iye anakaikira ndipo anaseka mwa iyemwini pamene Mngelo anamuzindikira iye kudutsa hema. Nkulondola uko? Koma bwanji Iye sanakhoze kumutenga Sarah? Chifukwa iye anali gawo la Abrahamu, Iye anayenera kuti amutenge Abrahamu, nayenso. Ndipo ife ndife gawo la Yesu pamene ife tikhala mu Thupi la Khristu. Kusakhulupirira kwathu kumakhululukidwa ngati ife tichita izo mosadziwa monga iye anachitira, pakuti iye ankachita mantha.

<sup>137</sup> Kodi inu mukukhulupirira kuti chinachake chikuwonekera pa nsanja? Oh, ine ndikukhumba ndikanakhoza kufotokoza izi. Ine ndiyenera kutembuka. Ine ndikumuwona mkazi yemwe ali ndi kuyabwa kwa pakhungu, inu munamukhudza Iye. Izo zikusiyani inu, chifukwa paliponse pali ndi Kuwala pozungulira inu. "Ngati inu mungakhulupirire, zinthu zonse ndi zotheka." Tsopano khulupirirani.

<sup>138</sup> Kuti muwone kuti si zowerenga maganizo, kuwerenga malingaliro anu, ine ndikutembuziranu nsana wanga. Nanga bwanji chigawo *ichi*? Izi zinachitika kamodzi mu Angeles Temple, mlongo. M'bale David, inu mukukumbukira. Tsopano ine basi...kuchitira kuti inu muwone, ine ndikuyankhula ndi inu, izo zikusonyeza kuti ine ndiribe kuyanjana ndi anthu kumeneko. Ndithudi inu—inu pansi....Ine ndikudziwa kuti mukumvetsa. Mukuona? Koma ine ndikupempha chisomo cha Mulungu kuti chichite chinachake kuti anthu angakhoze kuchidziwa.

<sup>139</sup> Inde, ine ndikuwona munthu wamng'ono, mtsikana wamng'ono. Iye ndi wochokera kutali ndi kuno, iye si wochokera mdziko lino. Iye ndi wochokera kudziko lamvula ndipo ndi

la mitengo yambiri ndi ndere, iye akuchokera ku Oregon. Ali ndi matenda a khunyu. Iye wakhala kunja uko. Kodi inu mukukhulupirira kuti Yesu Khristu akuchizani inu? Kodi inu mukumuvomerezera iye zimenezo? Iimirirani, mlongo. Pitani kwanu, ndipo ine ndikumudzudzula mdierekezi. Kodi inu mukukhulupirira ndi mtima wanu wonse? Chabwino.

<sup>140</sup> Pa mpita wa pakati apa, winawake ali ndi chikhulupiriro. Musakayikire. Ine ndiyankhula nanu inu, M'bale Schultz, kuchitira kuti inu mukhoze kuwona kuti ine ndikuyankhula ndi inu. Ine ndikumulola winawake pamene... Palibe makadi apemphero kotero ziri basi—ziri basi ndiye, kuti ndisamubweretse aliyense, koma kuti iwo akhoze kuwona.

<sup>141</sup> Inde, pali mkazi wochepta thupi, ali ndi khansa. Iye amayenera kupita kuchipatala lero. Iye wakhala kutsogolo apa, wokhala ngati mkazi wowonda. Dzina lake ndi Abiti Peterson. Mukuona? Chabwino, dona, khalani ndi chikhulupiriro mwa Mulungu. Mulole Mulungu wa Kumwamba amuphe mdierekezi ameneyo mpaka kuti iye asadzawandwe nkomwe ndi wina aliyense. Kodi mumakhulupirira Mwana wa Mulungu? Kodi inu mukumukhulupirira Iye ndi mtima wanu wonse? Ingokhalani ndi chikhulupiriro mwa Iye, ndizo zonse zomwe muyenera kuchita. Chabwino.

<sup>142</sup> Inu nonse mwakonzeka kukhulupirira mbali *iyi*? Ndiroleni ine ndiyankhule ndi mtumiki uyu pano. Kodi inu mukukhulupirira ndi mtima wanu wonse? Ine ndikuyembekeza winawake kumeneko akutero, nayenso. Uh-hum. Kuti inu mukhoze kudziwa kuti ine ndikuyankhula ndi inu. Koma onani mphamvu ya Mulungu ikuphimba zinthu zonse zammalingaliro, imapita mu mzimu wa dera... dera la mzimu.

<sup>143</sup> Inde, kumbuyo kwanga kuli a—mkazi, ndipo iye sakudziwa chomwe chiri vuto ndi iye. Iye ali... Oh, mkazi wosauka ameneyo! Iye wachitidwapo opareshonni kamodzi, kawiri, katatu, kaforo, kafaivi. Iwo sakudziwa chomwe icho chiri. Madokotala sakudziwa chimene icho chiri. Iye watumizidwa kuno ku Arizona kuti adzapumule. Iye ndi wochokera ku Louisiana, dzina lake ndi Akazi a Pearson. Chabwino, Akazi a Pearson, penapake kumbuyo kwanga, imirirani, ndiyang'aneni ine. Kodi inu mukundikhulupirira ine kuti ndine mneneri wa Mulungu? Ine sindikukudziwani inu. Ngati ndi choncho, gwedezanu dzanja lanu. Ndife—ndife alendo kwa wina ndi mzake. Zimene zinanenedwa ndi zonna. Nkulondola uko? Madokotala sakudziwa chimene chiri vuto ndi inu. Ndi misempha yanu. Khalani chete kwenikweni, khalani ndi chikhulupiriro, ndipo inu mupita kwanu wabwino. Khalani ndi chikhulupiriro mwa Mulungu! Kodi inu mukukhulupirira kuti Mwana wa Mulungu anauka kachiwiri?

<sup>144</sup> Tsopano, nanga bwanji winawake mbali *iyi*? Inu nonse mwakonzeka kukhulupirira kumbuyo kuno? Pat, kodi ndiwe

wokondwa kuti ndiwe Mkhristu? Kodi sizodabwitsa kuchoka ku moyo umene iwe umakhala, ndi kudzakhala Mkhristu?

<sup>145</sup> Apa pali dona. Ndi mkazi, mwamuna, ndi mwana. Donayo akukhudzana ndi Mulungu. Iye ali kumbuyo kwanga. Ndipo iye ali ndi mtundu wina wa vuto la mmimba, ndipo iye—iye amafooka pambuyo pake. Iye si wochokera kuno, ngakhalenso, iye ndi wochokera ku dziko la chipululu, koma iye ndi wochokera ku Kansas. Mwamuna wake ndi mtumiki. Ndipo ndi uyo wakhala apoyo. Ine sindikukudziwani inu. Ngati uko nkulondola, dona, gwedeszani manja anu monga *chonchi*. Chabwino, bwana. Chabwino, pitani kwanu, khulupirirami pa Ambuye Yesu Khristu ndipo mukakhale bwino. Kodi inu mukukhulupirira pa Ambuye?

<sup>146</sup> Paliponse kuzungulira chipindachi tsopano, kodi inu mukukhulupirira pa Ambuye? Zedidi, Iye ali pano! Yesu Khristu, yemweyo dzulo, lero, ndi kwanthawizonse. Mulungu yemweyo amene akanakhoza kumuwonetsa Eliya kumene mkazi wamasiye uja anali, Mulungu yemweyo akhoza kundiwonetsa ine pamene inu muli, mutakhala, mukupemphera, chifukwa ndi Mzimu wa Yesu Khristu, yemweyo dzulo, lero, ndi kwanthawizonse. Kodi inu mukukhulupirira zimenezo? Mulole munthu aliyense muno ayike manja anu pa wina ndi mzake pamene ine ndikukupemphererani inu nonse, pomwe pano, ndipo mukhulupirire, koteru kuti inu mudziwe kuti inu muli nacho chinachake mmenemo, mmodzi aliyense wa inu. Ndinu okhulupirira, sichoncho inu? Ngati inu muli, nenani “Ameni.” [Osonkhana akuti, “Ameni.”—Mkonzi]. Mu Kukhalapo kwa Mulungu, mu umboni wosalephera wa chiwukitsiro cha Yesu Khristu, ikanani manja pa wina ndi mzake ndipo mupemphererane wina ndi mzake.

<sup>147</sup> Atate athu Akumwamba, ine ndikupereka kwa Inu omvetsera oyembekezera awa. Mulole anthu onse awa amene alapa machimo awo akapeze tchalitchi chabwino kwavo. Mulole iwo, Ambuye, amene akudwala achiritsidwe. Mulole mphamvu ya Satana iphwanyidwe, pa miyoyo yawo pakali pano, pamene ine ndikumudzudzula mdierekezi ndi kupempha kuti Mphamvu ya Yesu Khristu ibwere pa omvetsera awa ndi kudzatenga nthenda iliyonse, nthenda iliyonse, kusautsika kulikonse, kukaikira kulikonse. Zithamangitseni izo zichoke kwa iwo, Ambuye, ndipo achiritseni iwo. Mu Dzina la Yesu Khristu, Mwana wa Mulungu, ine ndikupempha izi.



*ELIYA NDI NSEMBE YA UFA* CHA60-0310  
(Elijah And The Meal-Offering)

Uthenga uwu wa M'bale William Marrion Branham, woperekedwa mu Chingerezi Lachinayi madzulo, Marichi 10, 1960, ku Madison Square Garden mu Phoenix, Arizona, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. Box 51453, LIMBE, MALAWI

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)